



सानसेयारि बड'सा

सानसेयारि "बड'सा" ख्रीरालाइयाव अमाजयारि जिउजो लोब्बा थानाय रायथाय, बरन्थाय, अल, अल'बाथा आरु दावबायारि थावनि, पार्क बाइदिनि सायाव लिबनाय लिबिदां दैथाय हर/ सानसेयारि "बड'सा" ख्रीरालाइया खेबखानावै फोसावगोब/

बड'सायाव लिब'ह'नायनि हुवा खालाम, "बड'सा" ख्री नोथो, जो बयबो आंगो खालाम।

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Tuesday ★ 28 January, 2025 Kokrajhar, BTC, Assam ★ Vol.-33, Issue No.298 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

चिरांआव 5थि बिटिआर गोजोन गोरोबथा सान फालिदो

दिनैनि समा राजखान्थि दैदेनगिरि आरो बर'
दैदेनगिरिफोरनि खौसे जानाय समः प्रमद बर'

बिजनी, 27 जानुवारि:
दुलाराय बर' फरायसा आफादनि दैदेनायाव चिरां जिल्लानि काशिकत्राआव बि.टि.आर. गोजोन गोरोबथा साननि बाथि फालिथायखौ मिरुआरि महरै फालिनाय जादों। मख'नो गोनादि, 2020 माइथायनि दिनैनि सानावनो 40 बोसोरसो हाथियार लाना सोमावसारनायखौ फोजोबनानै गोदान दिल्लीआव एबसुनि (□ 6 बिलाइआव)



दिसपुर, 27 जानुवारि:
आसामनि गिबि मन्थि ड० हिमन्त बिश्व शर्माआ दिनै डिब्रुगढआव थानाय गिबि मन्थिनि सेक्रेटारियेटआव जनाइ समान जिल्लायारि मावफुंजाबाय थानाय मिरु आरो राइज्यो सरकारनि गुबुन गुबुन बिथांखिनि खामानि-दामानि जौगाखानायखौ लानानै नायबिजिरना सावरायलायो। जथुमाव गुबुन गुबुन बिफाननि गोजो थाखोनि बिबानगिरिफोरनि फ 1य बिथांखिफोरखौ मावफुंजायजों लोगोसे जनाइ समान जिल्लानि



जौगाखानायनि सोमोन्दे गुबुन गुबुन बिथिडव थांखि लानायनि सोमोन्दे बिथाड रोखा मिबथिना लायो। बे जथुमाव गिबि मन्थिआ जनाइ समान जिल्लानि सिडाव थानाय रिभिनड सार्केलआव गं 207 रिभिनड गामि थानायनि बिथिडव मोनसे गोदान रिभिनड सार्केल दानायनि हाबाफारिखौ जागायजेनो बिथाड रिभिनड बिफाननि गोजो थाखोनि बिबानगिरिखौ बिथोन होयो, जाइथे सरसन्हा सुबुंफोरनि हा- (□ 6 बिलाइआव)

उदालगुरियावबो 76थि सुबुं खान्थि सानखौ गाजा-गोमजायै फालिदों बि टि आरखौ जौगाथायनि फार्से लानायनि थाखाय प्रमद बर'खौ जों साबायखर होनांगोनः गबिन्द बसुमतारि

उदालगुरि, 27 जानुवारि:
दुलाराय हादरनाडै थानाय 26 जानुवारिखालि हादरनि 76थि सुबुंखान्थि सानखौ गाजा-गोमजायै फालिनायजों लोगोसे आसाम राइज्योनि सिडाव थानाय बड'लेण्डआवबो देगलायनि 26 जानुवारि थामहिनबा सुबुंखान्थि सानखौ गाजा-गोमजायै मोनसे आबुं हाबाफारि लानानै बड'लेण्डनि दाब-दाब सरकारि, सरकारिनिडे फसंथान, थावनि जिल्ला, महकुमा, मावख'बायदिफोराव फालिनायखौ नुनो मोननाय जादों। उदालगुरि जिल्ला



बेंगिरिनि गाहाइ मावखुलि लांगोना मोखाआव थानाय गेवलां गेलेग्रा फोथारावबो जिल्ला खुंथाइनि बान्जायनायाव

देगलायनि 76थि सुबुं खान्थि सानखौ मोनसे आबुं हाबाफारि (□ 6 बिलाइआव)

साननैनि हाबाफारिजों बिटिआर गोरोबथा सान फालिदों गोदानै लुजानाय मावफुं सोद्रोमा आरो एमसिएलए थाग्रा न'खौ गिबि मन्थि ड० हिमन्त बिश्व शर्माआ दिनै बेखेवना होगोन

कक्राझार, 27 जानुवारि:
बिटिआर गोजोन रादायआ 2020 माइथायनि 27 जानुवारि अक्टखालि मुंसाय जादोंमोन। थानाय 2020 माइथायनि 27 जानुवारिआव मुंसाइलायनाय बिटिआर रादायआ दिनै 5थि बोसोरआव आबुं जाबाय। 2020 माइथायनि 27 जानुवारि एवा दिनैनि सानखालिनो एनडिफबिनि मोननै हाञ्जा, दुलाराय बर' फरायसा आफाद (एबसु), मिरु आरो राइज्यो सरकारनि गेजेराव बिटिआर गोजोन रादायखौ मुंसायनाय जादों। 5थि बोसोराव आगान



होनाय बिटिआर रादाय सानखौ बिटिसि गौथुमारि सरकारआ साननैनि हाबाफारिजों दिनैनिफ्राय खुंदों। बे फारिलाइ

बायदिये रादाय सानखौ लोब्बा लानानै दिनै दरफेमबो गौथुमारि

बियाबआवनो गोजोन, खौसेथि (□ 6 बिलाइआव)

एम.सि.एल.ए मन्तु बर'आ गामि-गामि बर'नि दोरोडारि दामजु खाम रानानै होदों



सिमला, 27 जानुवारि: थानाय साननैसो सिगांसो एम.सि.एल.ए. मन्तु बर'आ गावनि बियाबनि सिडाव थानाय गासै सा 360 बेंगुरा सुबुंफोरनो ब्लेकट, जि दानो हाग्रा सानै बेंगुरा सुबुंफोरनो हिस्मान दाग्रा तातसाल आरो जि सुथेग्रा मेसिनारि आगजुफोर रानानै होनायखौ नुनो मोननाय जादोंमोन। मख'जाथावदि, मागो दाननि नैथि मंगलबारआ आसाम (□ 6 बिलाइआव)

मुंदांखा सत्रिया मोसागिरि जतिन गस्वामीखौ गिबि मन्थि ड० हिमन्त बिश्व शर्माआ हामलायथि बाउदों

दिसपुर, 27 जानुवारि:
आसामनि गिबि मन्थि ड० हिमन्त बिश्व शर्माआ पद्मभुषण बान्थाजों मान बाउजानाय मुंदांखा सत्रिया मोसाग्रा हरिसुगिरि जतिन गस्वामीखौ गुवाहाटी नोगोरमानि नुनमातियाव थानाय गावनि थाग्रान'आव दिनै नुजाफैनाइ बिथाड बावैसोयाव बे मान मोननायनि थाखाय हामलायथि बाउफैयो। लोगो हामलायनायाव गिबि मन्थिआ सत्रिया मोसागिरिजों सत्रिया मोसानाय फोसावदिनायनि सोमोन्दे सावरायलायो। लोगो



हमलायनायाव आरिसुगिरिया

मुंदांखा सत्रिया मोसानायखौ फोसावनायनि (□ 6 बिलाइआव)

बि.टि.आर, बिकेडब्लिउएसि, कार्बिआंलं आरो आसामआव राइजो जानाय बर'फोरनि गासैबो जेनाफोरखौ आबुडै सुस्रानांगौनि थाखाय बर'फोरा खौसे जाथारनांगोनः दिपेन बर'

कक्राझार, 27 जानुवारि:
दुलाराय बर' फरायसा आफादआ 5थि बि.टि.आर. गोजोन गोरोबथा सानखौ सानसेनि मेहेरगोनां हाबाफारिजों देगलाइ चिरां जिल्लानि चिदली काशिकत्रा गोजौसिन गेजेरारि फरायसालिनि गेलेग्रा फोथारव खुंफुंदों। हाबाफारि बायदिये फुबिलिनि गोथार आर'जखौ जागायनायने एबसुनि गोथार फिफिलाखौ बिरहोयो दुलाराय बर' फरायसा आफादनि



आफादगिरि दिपेन बर'आ। बड'फानि मुसुखायाव बिबार बाउजेनो एबसुनि बारग' आफादगिरि आरो चि.एस.बिनि मासिगिरि ड० दिपक बसुमतारि

आरो बड'लेण्ड मुंखलफोरनो बिबारखौ बाउजेनो एबसुनि बारग' आफादगिरि आरो साहित्य अकाडेमि बान्था (□ 6 बिलाइआव)

बिटिआर गोरोबथानि 5थि बोसोर गसाइगावआवबो गोजोन खौरां फोसावनावै बाइक रेलि खुंदों



सजल कुमार सिंहआ गोथारै बेखेवना होयो। बिटिआर रादाय मुंसायजानायनि उनावनो

बड'लेण्डआव अरायथा गोजोन थासारि सोमजिदों होना मावफुं (□ 6 बिलाइआव)

सालबारियाव सुबुं-खान्थि सान खुंदों



भवानिपुर, 27 जानुवारि: सालबारि महकुमा खुंथायनि बान्जायनायाव सालबारि फरायसालिमा गेलेग्रा फोथारव मैया गेदेत गोसो बोनो हानाय हाबाफारिजों 76थि सुबुंखान्थि सानखौ खुंनाय जादों। सुबुंखान्थि साननि गुबुन गुबुन हाबाफारियाव आलारि बाति फोजोनाय, ड० भिमराव आम्बेदकारनि सावगाारियाव मान बाउनाय, मुंखल मान बाउनायजों लोगोसे माहारियायि फिफिलाखौ सालबारि महकुमानि महकुमागिरि निलतपल पाठकआ बिरहोदों। माहारियायि फिफिला बिरहोनायनि उनावनो आसाम पुलिसनि बिबानगिरि-जवान, एसएसबिनि बिबानगिरि-जवान, फरायसा, एनसिसिनि केडेड, स्काउट एन्ड गाइडनि फरायसा (□ 6 बिलाइआव)

सुजुगिरिनि खोलोम

जिब जुनात आरो दंफां लाइफां

बुहुमाव जिब जुनात थानानै थानायवा मिथिंगाया सान्थ' हायै, मिथिस' हायै सोमोनांथाव निदान सुंबोदों आरो सुंगासिनो थानाय नुनो मोनो। ईशोरा सोरजिनाय गासिबो दंफां-लाइफां, हाजो-हाला, दैमा-दैसा, बिलो-बिलोमा, जिब-जुनात, दावमा दावसा, एम्फौ-एनलाफ्रा देलाइश्री बुहुमखो समाय होनायजों लोगोसे जिब जुनात थानानै थानायवा अनजिमा गैयै हेफाजाब होबोदों। मिथिस' हायै जुगआववो बुहुमाव गोनां जिरातखो ईशोरा सोरजिनानै होखादोंमोन। नाथाय ईशोरा सोरजिनाय माखासे जिब जुनात दंफां लाइफांफ्रा मानसिन इनाय अनागारियाववो जादों, जुगनि सोलायबोनाय बोथोरनि थाखाय जादों, एबा थानो जायगा जोबनायनि थाखाय जादों। बुहुमनिफ्राय लासै लासै गोमोर लानो हमदों। ईशोरा माखासे सोरजिनाय जिरातफ्रा गोमाबोनाया जिब जुनात थानानै थानायवा गोमोम खहा जानो हागौ। मानोना ईशोरा गसिखौबो गोनां सानानै सोरजिखादोंमोन। मोनसे नडबला मोनसेया थानानै थानाय गोब्राव।

गामिफ्राव गोदो डाक्टर गैयामोन। आखाय बौब्ला जार्मान बिलाइखौ दिगिनानै होनाय, उदै साब्ला एबा उदै गात्रि जाब्ला खिफि बेदों एउनायै जाहोनाय आथिं आखाय बायब्ला हाग्राणि दंफां लाइफांनि बिलाइखौ देनानै खाथबना होनायै मोजां खालामनाय नुनो मोनो।

बेंगलनि भाड बाजारा बेबादि मुलि गोथांजों आइथिं आखाय बायनायखौ फाहामनायनि थाखाय नामदांखा जानानै दं। आथिं खूब खूब मोनब्ला लोमसो साजो मोनब्ला उसुमाय(जारि बिजनि) बिजौ आरो माखासे दंफां लाइफांनि बिलाइ रोदाखौ फुदुनानै पंलु बिदै लौनाई जायगा जायगा जों दासिमबो नुनो मोनो। बे उसुमायफ्राबो जोबलानो हमदों। आयुबैदिक एल'पिटिक होमिअ' पेटिक गासिबो मुलिफ्रा दंफां लाइफांखौ नेउसिनानै जानो हाया। गोलोम बोथोराव बाराद्राय गोलोमनायखौ खमायहोना हायाब्ला दंफांनि साइखुम नागिरना बै दंफां सिडव जिरायफ्रा हुदाया बयहाबो दं। मोसौखो हाल एववो, गायखेर जानो फिसियो। बे मोसौनोबो थानानै थानो गांसो हाग्रा बंग्रा नांगौ। जों एम्फौ फिसियो। बे एम्फौनि फिथोब आरो खुन बिफांनि खुनखौ खुनुं लुनानै सि दानानै मानसिया गावनि लाजिनायखौ फांथयो आरो गोजां जानायनिफ्राय गोजानाव थायो। हाखर-हाला, दुब्लिनि एम्फौफ्राबो माइ बारियाव माइ बिफांखौ खहा खालामनो हानाय माखासे एम्फौफोरखौ जानानै माइबिफां मोजां जानायव हेफाजाब होयो। नाथाय मानसिफ्रा बेफोर एम्फौफोरखौबो बुथारनानै गोखोन्नाय मोनो। दावमा दावसाफ्रा फिथाय जानानै खिनाइ फिथायनि बेगरनिफ्राय बिफां लाइफां फेहेरनायाव हेफाजाब होयो। बबेबा बबेबा दावमा दावसा, जिब-जुनातनि मेजेमखौ मुलि बाहायनाय बयबो नुवा लासैनो थायाखै। नाथाय बेफोर गासिबो थानानै थानो थाखाय हाखर हाला दंफां-लाइफां नांगौ। जायगा जायगा बिफां-लाइफां जोबनाय लोमो लोमो बिलो आरो निजिराफ्रा रानलानाय मानसिन मेगनाव गोलेयालासिनो थायाखै। दंफां बिलाइफ्रा अक्सिजेन होन्नाय मोनसे गेस सानाव हगारो। जाय गेसया मिनितसे गैयाब्ला जिब-जुनात थानानै थानाय गोब्राव।

दिनैनि फान्जामुथि

राशि बाइदियै मुनि गिबि हांखो
 मेष : अ ल वृष : ऊ ब (उ ए इ) मिथुन : क छ (ड घ)
 कर्कट : ड ह सिंह : म ट कन्या : प ट (ण ष)
 तुला : त र बृश्चिक : ब न धनु : ध भ (ङ फ)
 मकर : ख ज कुम्भ : ग श (स) मीन : द च (ख ज झ)

- मेष:** जैरेबो सुखुखो मोन्दानो हागोन। जेखि मावा जोगानाय फैगोन। मोजां सान।
- वृष:** बे राशिनि सुबुडा बेरामफोर दडबा सांग्राडे थानांगोन। मोजाडै बोसोन बायदि सोलिनांगोन।
- मिथुन:** दिनैनि सानआव खस्थ' मोनानो हागौ। गोसो हमथानानै सोलिनांगोन।
- कर्कट:** नख'र संसार जानायव शान्थिखौ मोनो हागोन। फारफोमथिबो मोजां।
- सिंह:** मोजां मोनलायनायाव अनलायनाय फैगोन। गोजांने सम बारहोनो हागोन। मोजां सान।
- कन्या:** सोरजोंबाफोर सोमोन्दो गावस्त्रालायनाय जानो हागौ। जेखि जाया गोसोखौ हमथानांगोन।
- तुला:** मोजां रेंग'थि जानो हानायनि सन्मान मोनो हागोन। गोसोखौ गोजोन मोनगोन। मोजां सान।
- बृश्चिक:** जेरावबो धैज्य गैयै जालानो हागौ। गोसोखौ हमथानांगोन।
- धनु:** माबाफोर मोनसे सान्नाय-हास्थायनायफोर दडबा जाफुसारागोन। गोजोन्नायखौ मोनो हागोन।
- मकर:** बायदिसिना रोखोमनि हेंथा एबा अजद मोनो हागौ। जेखियानो जाया गोसोखौ हमथा।
- कुम्भ:** गोसोआव मानोबा रंजानाय गैयै जालानो हागौ। गोसोखौ लोरबं खालामनो नाडा।
- मीन:** माबाफोर मुवा-बेसाद मोनो हागौ। बादायारिनि थाखाय मोजां सान। मुलाम्फा खालामनो हागोन।

हादरगिरिनि एट हम हाबाफारिआव खोला बार्तनि जाग्रा आदारफोरा मोदोमफ्रुदों

गोदान दिल्ली, 27 जानुवारि: रास्ट्रपति भवनआव रबिबार्खालि हादरगिरि द्रौपदी मुर्मुनि दैदेनायाव खुनाय एट हम हाबाफारिआव खोला बार्तनि किउजिन एबा जाग्रा आदारफोरा गाहायै जायगा मोन्दों। हारिमुवारि गोरोबज्जलायैनि सायाव बिथा कालामनाय बे हाबाफारिआव बै ओन्सोलनि किउजिन, गान्नाय खसाब आरो आरिमुखौ गाहायै दिन्थिनाय जादों। एट हम हाबाफारिआव देग्लायनि सुबुंखान्थि साननि गाहाइ आलासि इन्डेनेसियानि हादरगिरि प्रबभ सुबियान्ट,



भारतनि लेडाइ हादरगिरि जगदिप धनखड, गाहाइ मन्थि नरेन्द्र मदि आरो गोबां मिरु मन्थि, सान्थि-पुलिस बिबानगिरिफोरजों लोगोसे राजखान्थि थान्दैफोरा बाहागो लादों। आलासिफोरखौ दर 5 खोला बार्तनि रइज्यो तेलेंगाना,

अन्ध प्रदेश, कर्नाटक, तामिलनाडु आरो केरलानिफ्राय जराफायै गावबा-गावनि बिमा राव एबा हारिनि गहेना, ड्रेसखौ गान्नायै फरयो। बै हाबाफारिआव हांखायहरजानाय गाहाइ आलासिफोरनि गेजेराव इन दिदी, मिथिंगायारि आबादआव नांथाबग्रा आबादारिफोराबो दंफायोमोन। बै दर 5 राइज्योफोरनि देंखोगिरिफोरा गावसोरनि रोंगथिखौ दिन्थिफुडे। मख'जाथावदि, बै बेंगुरा-बेंगुरि सुबुंफोरनि

दिल्ली बिधान सभा बिसायख 'थिनि थाखाय आपआ मोन 15 गेरेन्टी फोसावदों



गोदान दिल्ली, 27 जानुवारि: दिल्ली बिधान सभा बिसायख 'थिनि थाखाय आम आदमी पार्टी (आप) नि गाहाइ अरबिन्द के जरिवालआ फोसावदिलाइ फोसावदों। आपआ बेयाव मोन 15 गेरेन्टी फोसावदों, जायनि गेजेरजों गुबुन गुबुन थाकोनि सुबुंफोरनि गोसो बोनो नाजानाय जादों। फोसावदिलाइआव दोलोआ आइजो, लाइमोन आरो बैसो गोर निखावरिफोरनिफ्राय लानानै गुबुन गुबुन थाकोनि सुबुंफोरखौ नोजोर होदों। केजरिवालआ जौसाडव सुबुंफोरनि नोजोरववो गेरेन्टी बिलाइआव मुंसाइबो होदों। बे समाव बिथाड बुहोदि, बेयो मोनसे फोसावदिलाइल' नड, बेयो गावसिन गेरेन्टी, जायखौ आप दोलोआल' होनो हागौ। खायसे राजखान्थि हान्जाफोरा गेरेन्टी बिलाइआव गोबां गिदिर गिदिर बाश्राफोरखौ बुडे, नाथाय बेफोर गासैबो

आरो प्राइभेट मोननैबो फाहामसालिफोराव बेसेननाडै फाहामथाय मोनगोन बोराइ-बुँरै सुबुंफोरा। बेनि अनगायै गेरेन्टीआव गोरोन्थियै गोबांधार दैनि बिल फेनायखौ निमाहा होनाय, दिल्लीनि गासैबो नख'रआव 24x7 गोगो लोंग्रा दै जगायनाय, यमुना दैमाखौ साखोन-सिखोनै लाखिनाय, ड० आम्बेडकार स्क लारिसिप यजना बायदिफोराबो दड। बेराफासै फरायसाफोरनो बासआव बेसेननाडै दावबायनाय, मेट्र ट्रेनआव खावसेल' बेसेन लानाय बायदिफोरखौबो मख'नाय जादों।

भीमराव आम्बेडकारनि मुसुखा सिफायनायजों अमृतसराव दावराव-दावसि अमृतसर, 27 जानुवारी : सुबुंखान्थि साननि उनाव सानजोफु समाव थाना फतवालीनि सिडाव थानाय बाबा साहेब ड० भीमराव आम्बेडकारनि मुसुखाखौ सासे लाइमोना हाथुराजों बुफायनाय आरो बेयाव बानायनाय संबिजिरनि बिजाबखौ सावनाय केसआ गोखों महर लानो हमदों। बे जाथायनि हेंथायै धुना साहिबनि महन्त मलकियत नाथ, महन्त हिरधारी लाल, साधु बाबा बलवन्त नाथ आरो आलादा-आलादा एमसि

नागालेन्डनि लेडाइ गिबि मन्थि वाइ पेटनआ डिएफअ मावख'आव गुलि गावनाय जाथायखौ सोंखारिदों



कहिमा, 27 जानुवारि: नागालेन्डनि लेडाइ गिबि मन्थि वाइ पेटन आरो जुन्हेबट टाउन जिबि एस'सिएसनआ जुन्हेबटआव जिल्ला हाग्रा बिफान मावख'नि परिसर सिडाव थानाय 24 जानुवारिआव जानाय गुलि गावनाय जाथायखौ गोखों रावजों सोंखारिदों। बे जाथायव सासे

दायनिगिरिफोरखौ हमनानै बिसोरखौ साजा होनो खावलायो। एस'सिएसनआ दाय गोनां सुबुंफोरनि हेंथायै गोखोडै आइनारि नायबिजिरनो दाबि दैखाडो आरो आइनारि गोनांथिनि सायाव गोनांथि होयो। जाहाथे इयुनाव बेबादि हिंसाखौ होबथानो थाखाय मोनसे गोखों आइन दानो हायो। बेजों लोगोसे एस'सिएसनआ नोगोरारिफोरखौ गोजोन, खौसेथि आरो आइन राहाखौ समानै बेसेन होनो आर'ज गाबो, जाय जुन्हेबटखौ जौगाखां होनो थाखाय गोनांथि दड। नागालेन्ड पुलिस सुलुड गावनि फोसावदिडाव सासे सन्देह खालामथावखौ हमनानयि खौरं होदों।

भीमराव आम्बेडकारनि मुसुखा सिफायनायजों अमृतसराव दावराव-दावसि



समाजनि आफादफोरनि सुबुंफोरा भान्दारी दालाडाव पान्जाब सरकारनि हेंथायै स्ल'गान होयो। समाजनि सुबुंफोरा बे के सखौ सिबिआइ नायबिजिरनो गो होन्ना दाबि दैखादों, जाहाथे थि सुबुंखौ सोराडाव लाबोनो हायो। बे समाव भान्दारी दालाडाव गोबां पुलिस फर्स थिसन्दों। मख'नो गोनांदि, 26 जानुवारीयाव टाउन हलआव थानाय बाबा साहेब ड० भीमराव आम्बेडकारनि मुसुखाखौ सासे लाइमोना हाथुराजों बुफायो आरो संबिजिरखौ सावना होयो। बे समाव हेरिटेज स्टेटआव थिसन्नाय प्राइभेट एजेन्सिनि रैखाथि मावसुमाफोर बै सुबुंखौ बेयाववो हमो आरो पुलिसनो गथायो। आथिखालाव पुलिसा दायनिगिरिनि हेंथायै केस थिसन्नायै नायबिजिरनो जागायो। दायनिगिरिखौ धर्मकटनि आकाश सिंह महरै सिनायथिदों। बे जाथायखौ लानानै पान्जाब कंग्रेसनि गाहाइ अमरिन्दर सिंह राजा वडि,

NAME CORRECTION

That, my actual and correct name and surname is Purjya Basumatary, which has been recorded in Aadhaar Card, vide No. **7651 6889 2115**, PAN Card, vide No. **EAXPB7567Q** and other relevant documents.

That, in my Registered Sale Deed, vide Deed No. **184** Sl. No. **307** dated **14/09/2011**, wherein my name and surname has been recorded as **Pwtaisula Basumatary** in place of **Purjya Basumatary**.

That, I do hereby declare that **Purjya Basumatary** and **Pwtaisula Basumatary** is the one and same identical person i.e. none other but myself.

Sri Purjya Basumatary
S/O.- Late Lakhiram Basumatary
Vill.- Joypur(Bhabanipur)
P.O.- Joypur
P.S.- Amguri
Dist.- Chirang, BTR, Assam
PIN- 783393.

एडभारटाइजमेन्ट कन्ट्रैक्टनि थाखाय इ-निलाम

रडिया डिभिजनआव दिन्थिफुनायनि थाखाय न नि बायजोआव फोसावनाय रादायनि थाखाय इ-निलाम। गाहायव होनाय: निलाम केतालंग नं: एडिफिटि-आरएनवाइ-अएएन-20। निलामनि जागायजेनाय (गासैबो लटस): 12:00 रिंग। 04-02-2025 आव निलाम जोबनाय अक्ट/सम:13:50 रिंग 04-02-2025। रेट इन्फिन्ट: बोसोरारि लाइसेन्सि फिस: दावबायनाय/सानफोर: 1096। गिबि कुलिं अफ रिथियड: 30 मिनिट। मोनसेनि उनाव मोनसे जोबनाय जिरायनाय: 10 मिनिट, अट' एक्सटेन्सन सम: 120 सेकेन्ड। बांसिन अट' एक्सटेन्सन: 10 सम।

फारि नं.	लट नं./केटेगि	बेखेबधि
ए/1	एडिफिटि-आरएनवाइ-एनएलएन-आइस-21-24-1 (फोसावनाय - न नि बायजोआव)	नलबार्नि (एन.एल.एन.) स्टेशननि गोसाराव जागगायव फोसावनाय दिन्थिनो थाखाय न नि फोसावनाय रादायनि बायजोआव, जाय 03 बोसोरनि थाखाय गासै 200 बर्न फुट।
ए/2	एडिफिटि-आरएनवाइ-सिजिसि-आइस-31-24-1 (फोसावनाय - न नि बायजोआव)	चास्यरि (सिजिएस) स्टेशननि फोसावनाय जागगायव फोसावनाय दिन्थिनो थाखाय न नि फोसावनाय रादायनि बायजोआव, जाय 03 बोसोरनि थाखाय गासै 200 बर्न फुट हलामखौ सुयो।
ए/3	एडिफिटि-आरएनवाइ-डिकेजिएन-आइस-61-24-1 (फोसावनाय - न नि बायजोआव)	डेकारगाव (डिकेजिएन) स्टेशननि फोसावनाय जागगायव फोसावनाय दिन्थिनो थाखाय न नि फोसावनाय रादायनि बायजोआव, जाय 03 बोसोरनि थाखाय गासै 200 बर्न फुट हलामखौ सुयो।
ए/4	एडिफिटि-आरएनवाइ-एनजेबिटि-आइस-57-24-1 (फोसावनाय - न नि बायजोआव)	माजस्यरि (एनजेबिटि) स्टेशननि फोसावनाय जागगायव फोसावनाय दिन्थिनो थाखाय न नि फोसावनाय रादायनि बायजोआव, जाय 03 बोसोरनि थाखाय गासै 200 बर्न फुट हलाम।
ए/1	एडिफिटि-आरएनवाइ-बिफिआरिडि-आइएनएन-156-24-1 (स्टेशन बिथायव फोसावनाय)	यपेटा रड स्टेशननि स्टेशन सोरगिदि सिडाव आरो बायजोआव फोसावनाय (डिजिटल नई) दिन्थिनो थाखाय रेल दिन्थिफुनाय नेटवर्क रादाय, जाय थाम बोसोरनि थाखाय गासै 1000 बर्न फुटनि हलाम। (डिजिटल नई)
ए/2	एडिफिटि-आरएनवाइ-एसफिकिड-आइएनएन-203-24-1 (स्टेशन बिथायव फोसावनाय (डिजिटल नई))	सफेटा (एसफिकिड) स्टेशननि स्टेशन सोरगिदि सिडाव आरो बायजोआव फोसावनाय (डिजिटल नई) दिन्थिनो थाखाय रेल दिन्थिफुनाय नेटवर्क रादाय, जाय थाम बोसोरनि थाखाय गासै 200 बर्न फुट हलामखौ सुयो।
ए/3	एडिफिटि-आरएनवाइ-सिजिएन-आइएनएन-199-24-1 (स्टेशन बिथायव फोसावनाय (डिजिटल नई))	चुङ्गार (सिजिएन) स्टेशननि स्टेशन सोरगिदि सिडाव आरो बायजोआव फोसावनाय (डिजिटल नई) दिन्थिनो थाखाय रेल दिन्थिफुनाय नेटवर्क रादाय, जाय थाम बोसोरनि थाखाय गासै 400 बर्न फुट हलामखौ सुयो।
ए/4	एडिफिटि-आरएनवाइ-डिकेजिएन-आइएनएन-172-24-1 (स्टेशन बिथायव फोसावनाय (डिजिटल नई))	डेकारगाव (डिकेजिएन) स्टेशननि स्टेशन सोरगिदि सिडाव आरो बायजोआव फोसावनाय (डिजिटल नई) दिन्थिनो थाखाय रेल दिन्थिफुनाय नेटवर्क रादाय, जाय थाम बोसोरनि थाखाय गासै 400 बर्न फुट हलामखौ सुयो।
ए/5	एडिफिटि-आरएनवाइ-एनजेबिटि-आइएनएन-175-22-1 (स्टेशन बिथायव फोसावनाय (डिजिटल नई))	03 बोसोरनि थाखाय गासै ओन्सोल 350 बर्न फुटखौ सुनाय स्टेशन सोरगिदि सिडाव आरो बायजोआव फोसावनाय दिन्थिनो थाखाय रेल दिन्थिफुनाय नेटवर्क होनाय (थामिन्थिवा एफ.अ.धि.केटफर्म शेड, खुन्थिय, हावनाय-ओङ्गाराव, फोसावना जायगा बायदि)।

इ-निलाम केतालंगखौ रेलवे वेबसाइट थायहिन्वा www.ireps.gov.in इ-निलाम मडयुलनि गेजेरजों 20-01-2025 मायथाइवव आपरिड खालामखावाय। डिभिजनल रेलवे मेनाजार् (सि), रडिया

सा-सान्जा सिमा रेलवे
 "मिनिरुनायजों प्राक्कोनिसि सिबिथाय"

सुबुंखान्थि साननि सिगां शनिबारखालि बेलासिआव हादरगिरि मुर्मुआ डिनार खुंदोमोन

गोदान दिल्ली, 27 जानेवारि: सुबुंखान्थि साननि हाबाफारिनि समाव थांनाय शनिबारखालि बेलासिआव हादरगिरि द्रौपदी मुर्मुनि फार्सेनिफ्राय डिनार खुंदोमोन। हादरगिरि प्रबभ सुबियान्दजो लोमोसे भे भजआव इन्डनेसियानि हादरगिरिआ मोनसे एरैबादि बाश्रा बुंदो, जाय खोनाना गहाइ मन्थि मदि आरो लेडइ हादरगिरि जगदीप धनखडआबो मिनिनो हमो। हादरगिरि प्रबभ सुबियान्दआ बिथानियाव भारतयारि डिएनए दडहोनाने बुडे। बिथानि बुनाय बादिब्ला, माखासे सप्ताह सिगां आं जेनेटिक सिक्वेन्सिं टेस्ट आरो डिएनए टेस्ट खालामजानाने मिथिनो मोन्दोदि, आंनियाव



भारतयारि डिएनए दड। बयबो मिथिगौदि, जेब्ला आं भारतयारि देखो खोनयो अब्ला मोसानो जागयो। डिनारआव


हादरगिरि प्रबभजो लोमोसे फेनाय इन्डनेसियानि डेलिगेसनआ बलिउड देखो रोजाबो। इन्डनेसियानि

डेलिगेसनआ गागि मन्थिफोरबो दफायोमोन आरो बेयाव थांनाय गासै सुबुंफोरा बे दोखोनि गोजोनया लयो। बे

देखोनि भिडिअआ ससेल मिडियाआव गोबां भाइरेलबो जायो। सुलुडव फोरमायनाय बादिब्ला, इन्डनेसियानि हादरगिरिआ भारतआव गावनि गिबि राजखान्थियारि दावबायफै दों। बिथाडा भारतनि 76 थि सुबुंखान्थि साननि गहाइ आलासि। थांनाय शनिबारखालि गहाइ मन्थि मदि आरो इन्डनेसियानि हादरगिरि प्रबभ सुबियान्दनि दैदेन्नायाव जथुम्माबो खुंदो। बेयाव रैखाथि, फालांगि आरो हारिमुजो लोमोन्दो गोनां गुबुन गुबुन आयदाफोरनि सायाव सावरायनाय जादों।

सुबुंखान्थि सानआव गहाइ मन्थि मदिनि दाखोर खनखानाय भिडिअआ दोहो सोमजि होदों

गोदान दिल्ली, 27 जानेवारि: गहाइ मन्थि नरेन्द मदिआ रबिबारखालि भारतनि 76 थि सुबुं खान्थि सानआव खुंनाय हाबाफारिआव कर्थव्य लामायाव दाखोर बोखानाने स्वच्छ भारतनि फार्से गावनि बिबान थांनायखौ रोखा खालामनाने सासे हादरयारि एबा नोगोरारि जानायनि बिदिन्थि होयो। इन्टारनेट मिडियाआवबो बे भिडिअआ गोखे गोसारदों आरो सुबुंफोरा बिथांखौ गोबां बाखायदों। गहाइ मन्थि मदिनि बेबादि हाबा मावनाया राइजोयारि जायगाफोरखौ साखोन-सिखोन खालामनायाव बयबो बाहागो लानांगौनि गोनांथिखौ सोराडव लाबोदों। गहाइ मन्थि मदिआ



26 जानेवारिनि हाबाफारिआव प्रकल बादिथे लेडइ हादरगिरि जगदिप धनखडखौ बरायनो थाखाय थियारि जानाने दडमोन। बे समावनो जेब्ला बिथाडा धनखडइनि गारिखो हाबाफारि जानाय जागाथिं फेनाय नुनाने हाबग्रा गेट मोखांथिं आवगायलाडो, अब्लानो बिथाडा हायाव दाखोर नुनाने थद'यो आरो दाखोरखौ खनो। बेनिफ्राय बिथाडा दाखोरखौ सासे सिक्किउरिटिनो हरो। बिथानि बे हाबाया नुनायाव

सरासन्साब्लाबो बेनि आन्दोनि खौरं एबा मेसेज होनाया जोबोद गिदिर। माखासे समनि गेजेरवनो मदिनि बे भिडिअआ गोखे गोसरो आरो बयजोबो अन्सायजायो। मख'जाथावदि, गहाइ मन्थि मदिआ 76 थि सुबुंखान्थि सानआव दिल्लीनि माहारियारि दावहा गोसोखां खाम्फायाव मुंखो सान्थिफोरनो बिबार बाउदों। बे गोसोखां खाम्फायाव मदिखौ रैखाथि मन्थि राजनाथ सिंहआ बययदों।

इन्डनेसियाआ भारतनिफ्राय ब्रह्मस मिसाइल बायनो लुबैदों




गोदान दिल्ली, 27 जानेवारि: भारत आरो इन्डनेसियाआ ब्रह्मस सुपारसनिक मिसाइल रादाइनि थाखाय फिन खेबसेबाव सावरायनायनि सायाव गनायथिलायो। बेरफार्से जाकार्तानि गागि बिबानगिरिफोरा भारतनि उरां जाहाज गाथोन बानायनाय गोहोनि सायावबो अन्सायनाय दिन्थिदों। भारतआ मुलुगनि बै माखासे हादरफोरनि गेजेरव दरसे, जायहा हादरयारि महेर उरां जाहाज गाथोन बानायनो हनाय गोहो दड। रैखाथि सुलुडव फोरमायनाय बादिब्ला,

बावैसो सिगां भारतयारि बाहागोजो लोमोसे जानाय जथुम्मानि समाव जाकार्तानि गागि बिबानगिरिफोरा उरां जाहाज गाथोन बानायनायाव हेफाजाब होनायनि सायाव गोनांथि होदों। बिबानगिरिफोरनि बादिब्ला, भारतयारि बिबानगिरिफोरा जाकार्ताजो लोमोसे जाहाज बानायनाय बिथिडव हेफाजाब होलायनायखौ बांहोनानयनि सायाव खामानि मावगासिनो दड। सुलुनि बादिब्ला, भारत आरो इन्डनेसियाआ ब्रह्मस सुपारसनिक मिसाइल रादाइनि सायाव सावरायनायखौ जागायनायनि

भारतआ फिलिपाइन्सनो जाफुंसार महेरै ब्रह्मस मिसाइलफोर फान्दों। फिलिपाइन्सआ माखासे बोसोर सिगां 33.5 कौटि आमेरिका डलारनिफ्राय बांसिननि अर्डर होदोंमोन। फिलिपाइन्सनो मिसाइल डिलिभारिआ सिगाडवनो जाखांबाय आरो थाबैनो डिलिभारि खालामबावनो हागौ। माखासे हादरफोरा भारत-रसिया जुथाय उद्यम मिसाइल नेमखान्थिनि सायावबो अन्सायनाय दिन्थिदों। बे हादरफोरनि गेजेरव भियेतनाम, मालएसिया, इन्डनेसिया आरो गेजेर सान्जानि माखासे हादरफोरा दफायो।

बोथोर बिफानआ दिल्ली आरो इउपिजों लोमोसे माखासे राइज्योफोराव अखा हागोननि एलार्ट फोसावदों




गोदान दिल्ली, 27 जानेवारि: भारतनि गुबुन गुबुन बाहागोफोराव गोबां अखा हानाय, रोजा खुवा खुनाय आरो शीट गोलैनाय थासांरिखौ लानाने बोथोर बिफानआ माखासे सांग्रांथि फोसावदों। दिल्ली आरो बेनि खाथि-खाला

ओन्सोलफोरनि आलादा-आलादा जायगाफोराव अख आरो खुवा खुनायफोरा गोहोम गोलैनायनि मिजं दड। 26 जानेवारिआव दिल्लीआव शीट आरो रोजा खुवा सांग्लोबदों। बेयाव मेक्सिमम बिदुंखौ 17.3 डिग्री सेल्सियसआव देखोनो

फिरफिलाखौ असन्मान खालामग्रा खालिस्तानफोरखौ भारतयारिफोरा गोखोडै फिन्नाय होदों

लन्डन, 27 जानेवारी : सुबुंखान्थि साननि समाव बिनेटनआव थांनाय भारतआरिफोरा खालिस्तान मदतगिरिफोरखौ गोखोडै फिन्नाय होदों। अदेबानि लन्डनआव सुबुंखुंथाइ साननि हाबाफारिनि समाव भारतनि हेथायै स्त'गान होबाय थांनाय खालिस्तान मदतगिरिफोरा भारतयारि फोलेरजों दान्थे-बिदान्थे जायो। खौरं एजेन्सि एएनआइजों सावरायनाय भारतयारि फोलेरनि सासे सुबुड फोरमायोदि, जो बेयावनि हाइ

कमिसनाव 76 थि सुबुंखान्थि सान फालिनो थाखाय ज' जादोंमोन। बेयाव जो नुनो मोनोदि, खालिस्तान मदतगिरिफोरा बायजोआव ज'



जानाने भारत आरो जौनि संबिजिरनि हेथायै धनां खालामगासिनो दडमोन। बेनि उनाव जो खौसे जानाने बिसोरनि धनानि फिन्नाय जेबो

ख'हा जाया। जानो हागौ जौनि सुबुं अन्जमानि बोलोया खम, नाथाय जौनि गोसोनि बोलोया बांसिन। जो जौबथा हां लाजासिम नांलांगोन। एएनआइनि गेजेरजों शोयार खालामनाय भिडिअआव नुनो मोनोदि, मोन्ने बाहागोया गावजों-गावनि हेथायै स्त'गान होलायगासिनो दं। बे थासांरिनि सायाव सामलायनो थाखाय जाथाय जानाय जायगायाव पुलिस हान्जाबो थिसन्दों। बावैसो सिगां, ब्रिटेनिनि माखासे जायगाफोराव फिल्म इमारजेन्सिनि हेथायै खालिस्तान मदतगिरिफोरनि गेजेरव

आमेरिकाया ग्रिनलेण्डखौ थाबैनो गावनि खालामनो हागोन: डनाल्ड ट्रम्प

वाशिंग्टन, 27 जानेवारी : हादतगिरि डनाल्ड ट्रम्पआ बुंदोदि, ग्रिनलेण्डआ आमेरिकानि बाहागो जानायनि गोनांथि दं। जुदि बिब्दि जाहोयाब्ला बेयो डेनमार्कनि फारसेनिफ्राय मोनसे लोमोयारि नडै हाबा जागोन। ग्रिनलेण्डआ डेनमार्कनि कन्ट्रलाव दं आरो बेयो मुलुगनि देरसिन द्वीप। ट्रम्पआ गावसोर एबा आमेरिकाया ग्रिनलेण्डखौ मोनो



थांगासिनो दं होना गावनि फोथायनायखौ बुंथियो। मख'जाथावदि, ग्रिनलेण्डआव 55,000 सुबुंफोर दं आरो बिसरो आमेरिकाजों थाफानो हास्थायो। डेनसनि गहाइ मन्थि फ्रेडरिकसनआ ग्रिनलेण्डखौ फानजानाय नड होना बुनायनि उनाव ट्रम्पनि बिबुंथिया सोरांआव फेदों। मोनसे सौंथिनि फिन्नायाव ट्रम्पआ बुडेदि, डेनमार्कआ मा सानो आरो मा दाबि खालामो बेखो गावनि मिबथिनाया नाथाय बेयो गोखों जेना गोनां हाबाफारि जागोन। अदेबानि उदांसिया मुलुगनि रैखाथिनि थाखायसो, बेयो जौनि थाखाय नडा। ट्रम्पआ ग्रिनलेण्डनि सुबुंफोरखौ डेनमार्कआ दिन्थिनाय आखुखौ मोजां मोनाखे। बिहा रसिया, चीन आरो गुबुन गुबुन हादतफोरनि जाहाज दं बेयो मोजां थासांरि होना गनायजाया।

No.KMB.4/6th FC/2023-24/05Dated Kajalgaon, the 27th Jan, 2025

SHORT NOTICE INVITING TENDER

SEALED tender in specified Group wise Tender Form supplied by the undersigned affixing a non-refundable Court fee stamp of Rs. 8.25 (Rupees eight and paise twenty-five) only are invited from the intending experience Govt. Registered contractors. The tender will be received by the undersigned for the following work schemes under specific Grant aid to ULBs of Sixth Scheduled Areas BTC for the year 2020-21 under 6th ASFC Award during 2023-24 up to 1.00 p.m. on 03rd Feb., 2025 and will be opened on the same date, hours and place in presence of the tenderer or their authorized representative.

If the office will remain closed on that particular day, the next working day will be the last day of receiving & opening of tender in the same date, hours & place for which no separate communication will be made.

SCHEDULE

GROUP NO.	NAME OF SCHEME	ESTIMATED VALUE Rs.	EARNEST MONEY Rs.	TIME OF COMPLETION
1	Construction of Green Wood Park at Dhaligaon adjacent to BGR-IOCL Township, Kajalgaon MB (Phase-I)	7,00,000.00	14,000.00	90 days

Detailed terms and Conditions, plan and Estimate of the works may be obtained from the office of the undersigned during the office hours on all working days.

Sd/- Chairman,
Kajalgaon Municipal Board, Chirang

IPR(BTC)-2023-24/1361

No.DA/BTC/K/Dev-04(Horti)/2024-25/1395

Date 27/01/2025

QUOTATION

The Director of Agriculture, BTC, Kokrajhar invites Sealed quotation affixing non-refundable Court Fee Stamp of Rs. 8.25 (Rupees Eight & Twenty-five paise) only from the registered firm in BTC, suppliers for Summer Vegetables kits under the SOPD scheme for the year 2024-25 as per Term & conditions details given below and will be received up to 04-02-2025 at 4:00 PM and same will be opened on the same date & time. The quotations or their representative may present in the office of the undersigned at the time of opening.

Sl. No.	Item	Rate per Kit containing the following inputs	Tender value	Remarks
1	Cucumber (Variety- Sharmili)	10 gm.	Rs. 19,93,680/-	
2	Bitter Gourd (Variety- Sowmya)	40 gm.		
3	Pumpkin (Variety- Kashyap)	10 gm.		
4	Okra Hybrid (Variety- Kaveri-712)	125 gm.		

TERMS & CONDITON:

- The approved Firm / Supplier shall have to supply items within 15 (Fifteen) days on receipt of supply order.
- The Quotationers should submit up-to-date tax clearance certificate and BTC registration certificate issued by Director of Agril, BTC, Kokrajhar, Trade License Certificate, Dealership license, PAN Card, GST Registration Certificate etc. to the authority.
- The authority is not bound to accept the lowest rates of quotations and reserves all the right to reject any / all the quotations at a time without assigning any reason thereof.
- The rate should be shown separately for different type of Seeds including all Taxes.
- The quotationers will have to deposit 2% (for general) and 1% (for ST/SC/OBC/MOBC) as security money in the form of Bank Draft / Fixed Deposit / Call Deposit in favour of the Director of Agriculture, BTC, Kokrajhar as per scheme for the year 2024-25 which will be refundable in due course.
- All the Seeds of different selected crops to be packed in a kit for distribution to farmers.

Sd/-
Director of Agriculture,
BTC, Kokrajhar

IPR(BTC)-2023-24/1358

No. B/HFD/Dev/Gauripur Vill./2024-25/4420-26 Dated Kokrajhar, the 22nd Jan, 2025

TENDER NO. 08 OF 2024-25, (SOPD-G) FOR THE YEAR 2024-25

PRESS NOTICE

The Divisional Forest Officer, Haltugaon Division, Kokrajhar on behalf of the Governor of Assam invites bids from approved and eligible contractors registered with the Public Works Department (Building) Assam/Contractors registered with Bodoland Territorial Council in the category of Class-I (A, B & C) and Class-II for the 1 (One) No. Scheme/work for bids amounting to Rs. 13,00,000.00 (Rupees Thirteen Lacs) only.

The detail may be seen office of the undersigned during office hours.

N.B.-: The Bill of the Contractor will be paid only after received the fund from BTC.

Sd/-
Divisional Forest Officer,
Haltugaon Division, Kokrajhar

IPR(BTC)/C/2024-25/1359

No. B/HFD.134/Dev/Bangaldoba Beat/2024-25/4446-52 Dated Kokrajhar, the 22nd Jan, 2025

TENDER NO. 102 OF 2024-25

PRESS NOTICE

The Divisional Forest Officer, Haltugaon Division, Kokrajhar on behalf of the Governor of Assam invites bids from approved and eligible contractors registered with the Public Works Department (Roads) Assam/Contractors registered with Bodoland Territorial Council in the category of Class-I (A, B & C) and Class-II for the 1 (One) No. of Scheme/works for bids amounting to Rs. 23,00,000.00 (Approx) (Rupees Twenty Three Lacs) only.

The detail may be seen at the website <http://assamtenders.gov.in> and also in the office of the undersigned during office hours.

Sd/-
Divisional Forest Officer,
Haltugaon Division, Kokrajhar

IPR(BTC)/C/2024-25/1360

उत्खारिफोरनि नार्सारी बंजाग्रा काश्मीरनि त्रालआव 35 बोसोरनि गेजेराव गिबि खेब फिरफिला बिरहोदों

श्रीनगर, 27 जानेवारी : खोला काश्मीरव उत्खारिफोरनि नार्सारी बंजाग्रा त्रालआ आथिखालाव आबुडै सोलायबाय। अदेबानि सुबुंखान्थि सान आरो उदांसि सानावबो त्रालआव सिं-रु जानानै थायोमोन। नाथाय बे खेबाव सुबुंखान्थि सानाव बेबायदि जेबो जायाखै। बबेखानि गाहायाव लामा दथाफोरव जायगानि रोजा-रोजा सुबुंफोर जमा जानानै फिरफिला बिरहोदों। थानाय 35 बोसोरनि गेजेराव गिबि खेब त्रालाव फिरफिला आरो हिन्दुस्तान जिन्दाबादन स्ल'गान होदों। त्रालखौ उत्खारिफोर आरो अलगावबादिफोरनि गोखों गद्



महैर गनायना लानाय जायो। बे ओन्सोला निउटन, बुरहान वानी आदिल, जाखिर मुसा बायदि माखासे उत्खारिफोरिजोंबो सोमोन्दो दं। सुलुनि बायदिब्ला, गोखों रैखाथिनि गेजेरजों जम्मु-काश्मीरआव सुबुंखान्थि सानखो

गाजा-गोमजायै फालिदों। बेनि गेजेरजों एलएसिआ एमए स्टेडियमआव फिरफिला बिरहोयो। सुबुं खुंथाइ सान फालिदों, बे सानखालि त्रालआबो फालियो। जायगानि एमएलए आरो पिडिपिनि

दैदेनगिरि रफिक नाइकनि दैदेनायाव। रोजानिखुइ बांसिन सुबुंफोरा सुबुं खान्थि साननि हाबाफारियाव बाहागो लायो। बे समाव सुबुंफोरनि गेजेराव रंजाखानायनि दोहौ सोमजिनयखौ नुनो मोन्नाय जादों।

गेजेर आफ्रिकानि कांगनि गमा सहरआव उत्खारिफोरा दखल खालामदों



गमा, 27 जानेवारी: गेजेर आफ्रिकानि दरसे हादरआव थासारिआ गात्रि जालांगसिनो दड। रवान्डा मददगिरि उत्खारिफोरा दाबि दैखानाय बादिब्ला, बिसोर समबासखालि फुडव सान्जा कांगनि बयनिखुइ देरसिन सहर गमानि सायाव दखल खालामनानै लादों। उत्खारिफोरा बेनि फासं दावहा

फोसावदों होन्नानै कांग सरकारआ बुदों। बेराफासं इउएनआ बे जाथायखौ लानानै बुंदोंदि, सहरनि 20 लाख सुबुंफोरा गोबां गिनानै दड। अदेबानि एम-23 उत्खारिफोरा मोनसे बिबुंथिआव गमा सहरआव दखल खालामनो फोसावदों। उत्खारिफोरा बे खौरंखौ कांग सान्थिनो हाथियार

गथायनो थाखाय होनाय 48 घन्टानि सम सिमनाखो फोजोबनायनि माखासे सम सिगां फोसावो। उत्खारिफोरा मोनसे बिबुंथिआव गमानि सुबुंफोरखौ गोजोनै थानो आरो कांग सान्थिनि सोद्रोमाफोरखौ मिरुवारि स्टेडियमआव खौसे जानो थिन्दें। सुलुनि बादिब्ला, सा किचु ओन्सोलनि 3

बाहागोनि 1 बाहागोनिखुइ बांसिन थागिबिफोरा आथिखालाव न' गैजायै जाबाय आरो गमाआव उत्खारिफोरा दखल खालामनायजों बेयावनि थासारिआ गात्रिसिन जानो हागौ। गमा सहरआ सा किचु ओन्सोलाव दड। इउएन गोजोन सान्थिफोरा थानाय रबिबार हर गेजेराव सहरनि बाइजोयारि ओन्सोलाव गावसोरखौ गथायग्रा सान्थियारि सोद्रोमाफोरखौ लानानै गोनांथि जानाय बादिथै नायबिजिरनो जागायो। कांग सरकारनि बुंथिगिरि पेट्रिक मुयानाआ ससेल मिडिया जौसां एक्सआव पस्ट खालामनाय मोनसे भिडिआव बुंदोंदि, कांगआ रवान्डाजों लोगोसे गावसोरनि राजखान्थारि सोमोन्दोखोबो सिफायबाय। कांगनि बुंनाय बादिब्ला, रवान्डाआ उत्खारिफोरखौ मदद खालामगासिनो दड।

उज्बेकिस्ताननि ग्रेन्ड मास्टर याकुबएभआ भैशालीजों आखाइ हमज्लायाखै

गोदान दिल्ली, 27 जानेवारी: उज्बेकिस्ताननि ग्रेन्ड मास्टर याकुबएभआ टाय स्टील चैस टुर्नामेन्टनि उनाव भारतनि आर भैशालीजों आखाइ हमज्लायाखै थाखाय गोबां सावरायजादों। बिथाड धोरोमारि जाहोन फोरमायनानै भारतीय ग्रेन्ड मास्टर भैशालीजों आखाइ हमज्लायायखौ नेवसिगारदों। जाउनाव भिडिआ भाइरेल जानायनि उनाव बिथाड ससेल मिडियानि गेजेरजों निमाहा बिनादों। जेराव बे समाव बिथाड भैशालीखौ लाजि फोनांनयनि थाखाय बेबादि खालामाखै आरो धोरोमारि जाहोननि थाखाय गावनि बेबादि थिरांथा लानायखौ फोरमायदों। भाइरेल जानाय भिडिआव बिथांजों भैशालीखौ आखाइ हमज्लायायनि थाखाय आखाइ हसनाय नुनो मोन्दों। नाथाय बे समाव बिथाड आखाइ हमज्लायालासेनो दलरे थादों। जाउनाव भारतनि गेलेगिरिआ बे समाव लाजिस्तु जादों। भैशालीआ 2019 आव ग्रेन्ड मास्टर जानाय समाव याकुबएभखौ फेजेन्दों आरो सेलेन्जार केटेगरिआव 8 थि राउन्डनि उनाव सोलिफु



समाव याकुबएभआ 3 पइन्ट आर्जिनानै दड। बिथाड ससेल मिडिया एकाउन्टनि गेजेरजों भैशालीजों लोगोसे बनि फंबाय प्रज्ञानन्दखौ गावनि गोसोनिक्राय जेब्लायबो मान होनायखौ फोरमायदों आरो धोरोमारि जाहोननि थाखाय आखाइ हमज्लायायखौ गनायना लानो हायाखौमोन होन्ना फोरमायो।

महाराष्ट्रआव जिबिएस पजिटिभ केसआ सा 101 जाहैबाय



मुम्बाइ, 27 जानेवारी: महाराष्ट्रनि पुनेआव निउर'लजिकेल बेरमजों दोहौ सोमजिदों। पुने आरो बेनि खाथि-खालानि सहरफोरव गिलियान बेरे सिन्ड्रेम (जिबिएस) नि पजिटिभ केसआ बांबोनो हमदों। अदेबानि 100 नि बांसिन पजिटिभ केस मोनबाय आरो सासे सुबुंनि जिउ गोमाबाय। देहा बिबानगिरिफोरनि बादिब्ला, महाराष्ट्रनि सलापुरआव थैनाय बे सुबुड जिबिएसजों सन्देरनाय मोन्नानै सन्देह खालामनाय जादों। मानोना बियो पुनेआव दैफेयोमोन

आरो उनावसो सलापुरआव थादों। महाराष्ट्र देहा बिफानआ पुने, पिंपरी चिंचवाड, पुने गामियारि आरो माखासे खाथि-खालानि जिल्लाफोरव जिबिएसनि सा 18 पजिटिभ मोन्दों। गुबुन गुबुन फाहामसालिफोरव फाहामथाय लागसिनो थानाय सा 101 बेरामिफोरनि गेजेराव सा 16 आ भेन्टलेटरआव दड। बिसोरनि गेजेराव सा 68 आ हौवा आरो सा 33 आ हिन्जावफोर। रइज्यो देहा बिफानआ जागायजेन्नाय नायबिजिरनायनिक्राय मिथिनो मोन्नाय बादिब्ला सा 101 बेरामिफोरनि गेजेराव सा 19 आ 9 बोसोरनिबो खमसिन बैसोनि, सा 15 आ 10-19 बोसोरनि, सा 20 आ 20-29 बोसोरनि, सा 13 बेरामिफोरा 30-39 बोसोरनि, सा 12 आ 40-49 बोसोरनि सा 8 आ 60-60 बोसोरनि आरो 70-80 बोसोरनि सासे बेरामि। मख'जाथावदि, बिसोर बेरामिफोरनि सा 81 आ पुने नोगोर निगमनि बे'खनआव गोग्लैनाय ओन्सोलफोरनि, सा 14 आ पिंपरी चिंचवाड नोगोर निगमनि सिंनि आरो सा 6 आ गुबुन गुबुन जिल्लाफोरनि होन्ना मिथिनो हानाय जादों। गाहायै सिंहगड रड, खड्खवासला, धायरी, किरकट-वाडी आरो खाथि-खाला ओन्सोलनिक्राय जिबिएस बेरामिनि रिपट होनायनि उनाव बे केसआ रोकासिन जायो।

रंजालि गथ'फोरनि सौरा

मा बिमुं खामायनो हागोन नौलाय

गाथोन

जयसि बसुमतारि
(उदालगुरी रौता)

मा
बिमुं
खामायनो
हागोन नौलाय
बिदि सेक्सि महर दिन्थि बायना

नों
बेनि
अनगायै
समाजारि
बिजोडव मोजां भिदिअ बानाय

नों
जुदि
बेबादि
खालामबाबो
समाजारि बिजोडव अनसायगोन

मा
नोंना
गावखौल'
सेक्सि बादि
दिन्थियो समाजारि बिजोडव

मा
गियान
आरजिनो
हागोन देनाय
समाजारि बिजों बाहायग्राया

-रैदोम बर', बाक्स

जुलि

जुलिन बाश्रा खोनाब्लानो
गोसोआव गिनाय मोनो
गुबुनफोरा खायसे खुसिसो जायोनो
आंहालाय माथो उन-सिगां बाश्रासो सानो।

जौमोन महर लाबाय जेब्ला
जुलियाथ' जाखानांगोन नड होनब्ला
अब्लाबो दानो सानथ'आखै
उन्दै बैसोनि गोसोआनो दाबो जोबथ'आखै
माब्लादि जौमोन जाखो हमस्लाबनोनो हायाखै।

गुबुनफोर बादिनो
आंबो सानो
सोरनोबा गोसोखौ होनो
नाथाय, नाथायनिक्रायनो
गिदिनानै फैफिनो....
लोगोखौनो सिनायनो हाया
आरो लोगोरिखौबा हागोन ना हाया
बिबा बुजिनो नाजागोन ना नाजाया।

जुलिखौ जागोन खेबसेल'
संसार जानाया नड सानसे- साननैल'
बेखायनो, सिखलायानो जा
एबा संग्रायानो जा
उन-सिगां साननांगो जायो
माब्लाबा थाथ'नोबो गोनां जायो।

बांद्राय गावथानानै थाबायोब्ला लायनो
बोरि गोरानावबो फिस्लायोनो
जुलिन बाश्रा खोनाब्लानो गिनाय मोनो
बांद्राय गिनायाबो मोजां नडनो....।

निरमालि बर'
गामि- सावकुसि (लानदांपारा)
बाक्स

गोनांथि जाना फैबाय

समजों खब जाहोनानै
गावजों गाव फोथायलायनाय
अनलायनाय हेफाजाब होलायनाय
सानथि गोजोन लाबोनो
मोनसा मोनसि सानसिफोरखौ
नागारना फोसाब लायनांगोनि
गोनांथि जाना फैबाय।

सबिराम बर'
राबां, बागसा

हाजो खर'निक्राय
बोहैबोनाय नों आजोला दैसा
अन्थाइ बास्लाइ-- बास्लाइ
मेथाइ खने लिंहरदोंमोन नों
हायेननि सिखिरि सिखला।
आजोलि लायमोन सिखला
नोंनि बिखायाव गोजोमनानै
सुगलाइहोदोंमोन दानदिसे
गाथोननि जायगा बानायदोंमोन
अराय नोंनि अननाय बिलिरनाय
मोनबाय थाथो।
नोंनि रुइदोब आखाइजों
बिलिरनाय,गोजोन सुदेम
अन्थाइ बास्लाइ-- बास्लाइ मेथाइ
खननाय खबामनि सोदोब
गैलिया दा।

नों दा बे गाथोनखौ नेवसिलांबाय
समायना गाथोना गोमालांबाय
दा गाथोना गोथै महर लाबाय।

गोमोराखै दाबो

गोमोराखै दिनैबो रोखायैनो दं....
गोदे राव लाइजामनि
दैथाइहरनोसो हायासै रजेनिसिम
बेबा फिननाय हरफिनगोना हरफिना ?
गोमोराखै दिनैबो गोबांआवनो दं
सिमां सुजुनाय अनलायनायनि नोंखौ लानानै
फोरमायनानैसो आं लानो हायासै...
बेबा मा सानगोन आंनि फासं ?
लोगो मोनोब्ला नोंखौ सेराव
बुहां सानो गोसोवा अननाय राव
नाथाय बिखा-गाववो खुगा-गेवा
आं बोरै फोरमायगोन नोंनि सिगांआव।
बिखा गेजेराव दं नोंनिनो समायना सावगारि
जोधेनै लाखुमादों सोरबा नुसि-नुसि
लिरना दोंदोंमोन नोंनि गोदे मुं
आंनि बिखा गेजेराव
गोमोराखै दाबो रोखायैनो दं।
आं हानाय नंआ फोरमायनो
थेवबो मोजां मोनगोन आं नोंखौनो मोथो-मोथो
बोदोर गोसो माब्लाबा
बुंथिनानै लानो हायोब्ला
गोरोबगोन सानो नोंनि गोसो
खोमोरा अब्लाबो आंनि नोंखौ मोजां मोननाय।

बेलारोम बसुमतारि
खालागि, कक्राझार

नों फोथायखेबस'

नोंनि आंनि मोजां मोनलायनाइया
बेसे सैथो मोन
नोंनि अनगा गैयामोन आरो आंहा गुबुन
गोबां इंसिनि बिबार बारियाव
साजायनानै दोन्दोंमोन आं नोंखौनो
आरो बेसे समायोमोन नोंनि हायना महर जों
गावजों गाव फोथायलायनायबो दंमोन
जों सानैजों
नोंनि अनगा नुवामोन आं
रावखौबो समायनासिन
सानदोंमोन नोंनो आंनि गिबि आरो जोबथा।
नाथाइ..... !
नोंनि गोसोआ एसेबां गोरलै
फागुननि जावलिया बारजों
बिफांनि बिलाइ सिरिनाय बायदि
सिरिलांबाय नों आंनि गोबांनिफाइ
आंनि सिमां आंनि मिजिं
खालामलांबायनों आसखान्दा
नों फोथायखेबस'... नों फोथायखेबस'...।
बावनो हायाखै आं
जों सानैनि गारबोनाय बै बुब्लिखौ
जांखाफैबायथायो साया-माया नोंनि
गावदां अखाफोर बायदि महर।
नों फोथायखेबस'... नों फोथायखेबस'...।

नब' ब्रह्म
बर' बाजार सोलौंसालिमा,
चिरां

आमेरिकानि हादतगिरि डनाल्ड ट्राम्पखौ बुथारनो हुमखि होनायनि दायआव शेनन एटकन्सखौ ग्रेप्टार खालामदों

गोदान दिल्ली, 27 जानुवारि: आमेरिकानि हादतगिरि डनाल्ड ट्राम्पखौ सासे सुबुआ बुथारनो हुमखि होदोंमोन। अदेबानि, आथिखालाव हादतगिरि डनाल्ड ट्राम्पनि बेरेखायै होदोंमोन। अदेबानि, आथिखालाव हादतगिरि डनाल्ड ट्राम्पनि बेरेखायै सशेल मिडियाआव हुमखि हनाय पस्ट होनायनि दायआव फ्लरिडानि शेनन एटकन्सखौ ग्रेप्टार खालामनाय जादों। शेनन एटकन्सनि फेसबुक आपडेटआव ट्राम्पनि समायखिरा लानायनि सानसे सिगां मोनसे पस्टआव लिरदोंमोनदि, "आमेरिकाखौ रेखा खालामनो थाखाय खालि थरसेल' गुलि सालायनो गोनांथि।" पुलिसआ बुडोदि, बे पस्टआ एटकन्सखौ ग्रेप्टार खालामनायनि गाहाइ जाहोन जादों। शुक्रबार मोनाआव बिखौ फ्लरिडानि पाम बिचनि खाथियाव ग्रेप्टार खालामनाय जायो। मिबथि होनाय जायोदि, ग्रेप्टार खालामनाय समाव बिथानिफ्राय ककिननि मोनथाम बेगबो मोन्दों। बबेखाणि एफबिआइनिफ्राय मोन्याय खौरानि गेजेरजों बिखौ ग्रेप्टार



खालामनाय जादों। बे जाथायआ जर'खायै एफबिआइ आरो सिक्के ट साभिसनि थाखाय सेनसिटिभ, थानाय बोसोरबो डनाल्ड ट्राम्पखौ बुथारनो थाखाय खेबनै नाजाखांबाय। बबेखाणि बेफोर गासैबो नाजानाया फेल्लेजादों एबा जाफुसाराखे। बेनि जाहोनाव एफबिआइ आरो सिक्के साभिसआ ट्राम्पनि रेखाथिखौ लानानै हाइ एलाट जादों। शेनन एटकन्सआ सशेल मिडियाआव होनाय गावनि पस्टखौ लानानै जेव्ना जेनाया बांनो हमो अब्बा बिथांआ दाबि दिखाडोदि, बिथांआ जंखायदोंसोमोन, नाथाय सोनाब पाम बिचनि सुपारिनटेनडेन्ट पुलिस टनि अराउजआ बे बाश्राखौ नेवसिगारो। बिथांआ बुडोदि, बेयो जेबो जंखायनाय नडामोन।

आथिखालनि थासारियाव बे बायदि बाश्रा बुनाया गिखंथाव जानो हागौ। पुलिसआ शेनन एटकन्सनि गुबुन माखासे सशेल मिडिया पस्टखौबो दिन्थियो, जेराव मोनसे पस्टआव लिरनाय दडमोनदि, जारिमिनआ गावखौनो दिन्थिफिनो, जौनि बेवहाय गोबाव बोसोरनिफ्राय जेबो बुथारलायनाय जायाखे। पुलिस बिबानगिरिआ 19 जानुवारिखालि पस्टखौ दिन्थिदोंमोन।

पाकिस्तानआव मुलुगनि बयनिखुइ टेरसिन एनकाउन्टरनि जाथाय सोमजिदों

गोदान दिल्ली, 27 जानुवारि : पाकिस्तानआव बावैसो सिगां मोनसे गिदिर एनकाउन्टर जायो, जायनि सोदोबखौ मुलुग नाडै खोनानो मोन्दों। बे एनकाउन्टराव फेसल जट्टखौ गावथारो। पाकिस्तानआव जानाय बे गावलायनायनि उनाव इनस्टाग्रामआव बेखौ लानानै हिल्सनि दै बाना फेयो। बे एनकाउन्टराव ओरैबायदि गिखंथावमोन, जायनि जाहोनाव फेसलनि पाक्कानि न'नि वालफोरा रोजा-रोजा गुलिफोरजों गंवलदोंमोन। बे अपारेसनआव पुलिसआ गोबां बिबांनि गुलि बारुद, ग्रेनेड आरो टियार गेस बाहायो। मख'ने गोनांदि, फेसल जट्ट कुरव्यातआ ड्रग्स माफियामोन आरो बेनि हेँथायै माखासे वारेन्डबो फोसावखादोंमोन। बे थांखिनि सायाव पाकिस्ताननि एलिट फर्सनि सासे बिबानगिरिखौ बुथारनायनिबो दाय दंमोन।



अदेबानि इनस्टाग्रामजों लोगोसे गुबुन सशेल मिडिया प्लेटफर्मआव फेसलनि जोबथा बिडिअआ भाइरेल जादों। बेयाव बिथांआ बुंदोंदि, जुदि आं खारोव्ना, आंखौ जट्ट होन्नानै गाबजिनो नाडा। बे सोदोबा आथिखालाव सावरायनायनि आयदा जाना फेदों आरो सुबुंफोरा आयेनजों लोगोसे बेबायदि एनकाउन्टरनि सायाव

सौंथि दिखांगसिनो दं। सुलुनि बायदिब्ला बे गावलायनाया थानाय 18 डिसेम्बरआव पाकिस्ताननि गुजरात जिल्लानि ककरालि पुलिस स्टेशन ओन्सोलाव थानाय हन्ज मुनि गामियाव जायो। बे गावलायनायाव कुरव्यात ड्रग्स माफिया फेसलआ गावनि 20 बोसोर बैसोनि बियादय सफिउर रहमान आरो साने लोगोफोरजों

लोगोसे जिउ गोमायो। बे अपारेसना बुधवार फुनिफ्राय जागायनानै अखानायै फुनि 7 रिगासिम सोलियो, जेराव रोजा-

रोजा राउन्डनि फायरि जायो। दायनिगिरिफोरखौ गावसोरनि बे'खनआव लानो थाखाय पुलिसनि उफ्रा हन्जाफोर आरो पाकिस्ताननि गिदिर-गिदिर अफिसारफोरखौ हेलिकप्टरजों लानाडो। फेसलहा ड्रग्सनि गिदिर नेटवर्क दंमोन आरो बिहा राजखान्थिजोंबो सोमोन्दो दंमोन। बिनि मोनसे गिदिर गोरोन्थियानो जाबाय बियो पुलिसजों लोगोसे मोनसे गावलायनाय समाव पाकिस्ताननि एलिटफर्सनि सासे बिबानगिरिखौ बुथारदोंमोन आरो बेनि उननिफ्रायनो बियो पाकिस्ताननि फर्सनि नोजेराव गोमलैयो।

अख्रामानिफ्राय थौंजों फनआव नेटवार्क फोनांजाबनो एलन मास्कआ नाजादों



गोदान दिल्ली, 27 जानुवारि: टेस्लानि बिगोमाया मोनसे गिदिर थांखि फोसावदों। बिथाड बावैसो सिगां बुंदोंमोनदि, मबाइल टावार्नि टेरिस्टां दिनेनिफ्राय जागायबाय। सशेल मिडिया प्लेटफर्म एक्स हेन्डेलआव बिथाड खौर शेरार खालामनानै बुंदोंदि, दिने 27 जानुवारिनिफ्राय स्टाइलनि डायरेक्ट टु सेल सेटेलाइट साभिसनि बिटा टेरिस्टां जागायबाय। आइबिसि गृपनि फाउन्डर मारिअ नावफालआ पस्टखौ रि शेरार खालामनानै कन्फर्म खालामदों। बेयाव स्टाइलनि डायरेक्ट टु सेल सेटेलाइट बायदि साभिसखौ रायखादों। डायरेक्ट टुसेल सेटेलाइट साभिसनि गेजेरजों थौंजों सेटेलाइट बेस्ट नेडवर्कजों कानेक जागोन। बेनि उनाव बिसोरो फन साभिसखौ बाहायनो हागोन। बे साभिसनि गेजेरजों हायाव मबाइल टावर गायनायनि गोनांथि जानाय नडा। लोगोसेनो ट्रेडिसेनेल मबाइल टावरआ नारसिन्थआय खम जागोन। थानाय माखासे दानफोरनिफ्रायनो स्टाइलकआ लास्त्रियै गावनि सेटेलाइट कम्पुनिकेसन नेटवार्कखौ एक्सपेन्ड खालामगसिनो। कम्पनीआ इन्टरनेट स्पीड बांहोनो थाखाय लास्त्रियै गोदान रकेटस लन्व खालामनायजों लोगोसे गोदान सेटेलाइटबो थिसनदों। मोनसे रिपटनि बायदिब्ला, इउजार्सआ 250-350 एमबिपिएसनि स्पीडआव इन्टरनेटखौ बाहायनो हासिगोन। खोला अस्ट्रेलिया ओन्सोलआव फाइबरनि गेजेरजों मोनो हानाय 50-60 एमबिपिएस स्पीडनिफ्राय बेयो गोबां गोखैसिन। डाइरेक्ट टुसेल सेटेलाइट साभिसआ इमार्जेन्सिआव गोबां मदद गोनां जागोन। सरासन्सायै साइक्लन, बांथि बायदि खौफोदिनि समाव मबाइल टावर बायनाय, टारनि जेना आरो बायदि नेटवार्कजों कानेक जागोन अब्ला खौफोदिनि समावबो फोनांजाव गोमानाय नडा।

हादतगिरि ट्राम्पआ फेमाखौ मोनसे खैफोद होन्ना बुंदों



गोदान दिल्ली, 27 जानुवारि : आमेरिकाआव जायखि जाया माहारियारि खैफोदजों मोगा-मोगि खालामनो थाखाय फेडरेल इमार्जेन्सि मेनेजमेन्ट एजेन्सि (एफइएमए) दानाय जादों। बावैसो सिगां लस एन्जेलेसनि हाग्रायाव नांनय अरखौ लुखोमोरनो थाखाय बे एजेन्सिनि रोजा रोजा मावसुमाफोरा खामानियाव नांथाबदों। नाथाय एजेन्सिनि हाबा मावनायखौ हादतगिरि ट्राम्पआ गोजोन्नाय मोनाखे। जाउनाव बिथाड बे एजेन्सिखौ खैफोद होन्ना बुंदों। सरासन्सायै आमेरिकाआव बारहुंखा, साइक्लन, बांथि आरो दै बाना बायदि खैफोदजों भुगिनांनय सुबुंफोरखौ मदत खालामनाया फेमनि खामानि। बे एजेन्सिया गोहोम गोग्लैनाय जायगाफोराव इमार्जेन्सि मावसुमा, जगाइथाइ आरो जोन्थोरफोरखौ जगायनानै होयो, जायजों सुबुंफोरा गोबां मदत मोनो। बावैसो सिगां हादतगिरि ट्राम्पआ केलिफर्नियाआव दावबायदों आरो हाग्राबालियाव अर गोसारनायजों ख'हा जानायखौ दुखु मोन्याय फोरमायदों। बिथाड फेमनि सायाव सा केरलिनायाव इमार्जेन्सि मदत होनाय समाव बेले-बेसे खालामदों होन्नाबो दाय जाबसिन्दों। ट्राम्पआ बे एजेन्सिआव गावनो मोनसे खैफोद जाना फेबाय होन्नाबो बुंदों। मानोना बेनि खामानि मावनाया जोबोद लार्से आरो बेयाव सोनारज्जायनायाबो बांसिन होन्ना बुडो। बेनि अनगायैबो बेजों जुथाइ सरकारनि सायाव रांखान्थियारि बजाया बांसिन जाबोगसिनो होन्ना बेनि बदलै खैफोदजों मोगा-मोगि खालामनो थाखाय राइज्योफोरनो थौंजों रांखान्थि होनाया साबसिन होन्नाबो ट्राम्पआ बुंदों। गोदान हादतगिरिनि बायदिब्ला बबेबा राइज्योआव माबाफोर जेना जायोव्ला बेखौ गावनो राइज्योआ सुखानांगौ। राइज्योनि जेनाफोरखौ सासे राइज्यो बैंगिरिया मोजाडै आरो थाबैनो सुखानो हागौ। 2005 आव के टरीना बारहुंखाया आमेरिकायाव गोखों सिलिंखार खालामदोंमोन। नाथाय बे समाव फेमनि खामानि मावनायखौ लाना सौंथिबो सिखादोंमोन। फारसेथिं सरकार एजेन्सिनो खामानि मावनायनि गोबां रांबो हरनाडो।

पाकिस्तानआव एलपिजि टेंकार बेरफुनायाव सा 6 सुबुंफोरनि जिउ गोमादों, सा 31 जोखोम

लाहोर, 27 जानुवारि: पाकिस्ताननि पान्जाब राइज्योनि मोनसे उद्यगयारि ओन्सोलाव लाव-लाव पेद्रुलियाम गेसजों आबुं गंसे टेंकार बेरफुनानै गिदिर जाब्रथाय सोमजिदों, जेराव सासे हिन्जावसाजों लोगोसे सा 6 सुबुंफोरनि जिउ गोमादों आरो गुबुन सा 31 सुबुंफोर जोखोम जादों। बिबानगिरिफोरा मिथिहोनाय बादिब्ला, बे जाब्रथाया मुल्ताननि हामिदपुर कनरा ओन्सोलाव थानाय उद्यगयारि एस्टेटआव जादों। समबारखालि बैयाव गंसे एलपिजि टेंकारआ बेरफुनानै गिखंथावै अर खामो, जानि जाहोनाव अर नांनय गारिनि बायनाय थुखाफोरा खाथिनि सुबुंफोर थानाय ओन्सोलाव गोसारो, जायजों गोबां खहा जायो। रैखाथि मावसुमाफोर आरो गं 10 नि बांसिन अर खोमोरग्रा गारिफोरनि नाजानायाव माखासे घन्टानि उनाव अरखौ खोमोरनो हायो। पुलिसनि बादिब्ला, बे बेरफुनाय




जायगानि खाथि-खालायाव खमैबो गं 20 न'-बांफोरा गांथियै सिलिंखार जायो आरो गं 70 आ खवसे महरै खहा जायो। मुल्ताननि सिटी पुलिस बिबानगिरि सादिक अलीआ खौरां बिजोडाव खहा जानायफोरव न'-बांनि अनगायै जिब-जुनातफोरबो दड होन्नानै मिथिहोदों। बिथाड

फोरमायदोदि, उद्यगयारि एस्टेटआव गोब्राब होन्ना मिथिनो मोन्दों। निस्तार फाहामसालिआव इमार्जेन्सि फोसावनाय जादों, जेराव जोखोम जानायपोरखौ पाहामथाय होदों। पुलिसआ बे जाथाय जानायखौ गंसे आइन बेरेखा एलपिजि रिफाइनि गुदाम होन्ना संदानों आरो रिफिलिं खालामनाय समाव बेरफुनाय जाथाया सोमजिदों।

जोकोम जानायफोरनि सा 13 नि थासारिआ गोब्राब होन्ना मिथिनो मोन्दों। निस्तार फाहामसालिआव इमार्जेन्सि फोसावनाय जादों, जेराव जोखोम जानायपोरखौ पाहामथाय होदों। पुलिसआ बे जाथाय जानायखौ गंसे आइन बेरेखा एलपिजि रिफाइनि गुदाम होन्ना संदानों आरो रिफिलिं खालामनाय समाव बेरफुनाय जाथाया सोमजिदों।

बिजापुरआव नक्सालिफोरा संगालि खालामनायनि दायव सासे गामियारिखौ बुथारदों



बिजापुर, 27 जानुवारि: बस्तराव नक्सालिफोरनि गांथि आखुआ नुजाथिदों। नक्सालिफोरा लास्त्रियै रैखाथि हान्जाफोरजों लोगोसे थौंजोडै गावलायगासिनो दं, बेनि खिथेराव आथिखालाव बिसोर गामियारिफोरखौ नोजोर होफिननो जागायदों। बिसोर सुबुंफोरनि गेजेराव गिनाय सोमजिहोनो थाखाय सासे आदिबासि गामियारिखौ संगालि

खालामनायनि दायव बुथारो। पुलिसनि बायदिब्ला, भैरमगड थाना ओन्सोलनि केशामुन्डी गामिनि 41 बोसोर बैसोनि गामियारि भदरु सद्दीनि बिफा हिडुमाखौ थानाय 26 जानुवारिनि बेलासियाव बुथारो। नक्सालिफोरनि भैरमगड एसिया कमिठिनि फारसेनिफ्राय जाथाय जानाय जायगानिफ्राय बिनि गोथे सह'बोखांनो हानायनि खौरंखौ फोसावदों, जेराव नक्सालिफोरा

बिनि सायाव पार्टिनि खौरंखौ पुलिसनो हरनायनि दाय जाबसिन्दों। आथिखालाव भैरमगड पुलिसआ बिनि गोथे सहखौ गावसोरनि बे'खनआव लानानै बे केसखौ नायबिजिनो जागायो। मिबथिनो मोन्याय बायदिब्ला रैखाथि हान्जाफोरा नक्सालि हेँथा होनाय हाबाफारिफोरजों नक्सालि आफादा गोबां ख'हा जानां गसिनो दं। लोगोसे नक्सालिफोरनि कर ओन्सोलाव गोदान रैखाथि के म्प बानायनायजों नक्सालिफोरनि ओन्सोला सिमना गोनां जाना फेदों। बेनि खिथेराव नक्सालिफोरा सरासन्सा दाय गैयै आदिबासि गामियारिफोरखौ बुथारगासिनो दं, जाहाथे बिसोरनिफ्राय जानगाराव थायो।

अख्रामा दावबायारिया अख्रानिफ्राय सेबखानाय महाकुम्भ मेलानि सावगारि शेयार खालामदों



गोदान दिल्ली, 27 जानुवारि : मुलुगनि बयनिखुइबो देरसिन थोरुमारि फोबों महाकुम्भआव बाहागो लानो थाखाय त्रिवेणी संघम एबा मोन 3 दैमा लोगो नांनय जायगायाव सिबियारिफोरा सौहेगसिनो। उत्तर प्रदेश टेलिकम बिफाननि बायदिब्ला, 26 जानुवारि 2025 सिमाव 13.21 कौटिनि बांसिन

सुबुंफोरा दैमायाव थल्लदों। बे अन्जिमाया लास्त्रियै बांगसिनो। बे समावनो नासानि अख्रामा दावबायारि डन पेटिटआ इन्टरनेशनल स्पेस स्टेशन (आइएसएस) निफ्राय महाकुम्भनि सावगारि सेबखानायखौ एक्सआव शेयार खालामदों। सावगारियाव संगम नोजोर प्रयागराजखौ सोरां एबा

लाइटजों जौखलाबनाय नुनो मोन्दों। दिव्य आरो भव्य महाकुम्भआव मौनी अमाबैथ्या स्नानआव सिबियारिफोरनि होंगो-दोंगो नुनो मोनो। बेखौ लानानै रैखाथिनि महास्नानबो बानायनाय जादों। सिबियारिफोरा नोजोर लाखिया जादों, जाहाथे जायखि जाया रोखोमनि जेना गोनां थासारि सोमजिया। संघम बोरिमाखौ न' प्लाई जन फोसावनाय जादों आरो गनायथि गैयाजासे डूनबो बिहोनो हाया। जुदि सोरबा डून बिहोयोव्ला बेखौ एन्टि डून सिस्टेमा सिलिंखार खालामगोन। बेजों लोगोसे टिथर डूनजों रैखाथि, हान्था-मैला आरो ट्राफिक कन्ट्रलखौ मोजां रोखोमै सामलायनाय जादों।

गोदान गारि बायनायनि सायाव 50 जौखोन्दो रेहाय मोनगोन

गोदान दिल्ली, 27 जानुवारि : मिरु सरकार गेब्रेनायखौ होबथानो थाखाय सरकार गावनि गोहो बायदिदियै गासैबो गोनां थांखिखौ आजावगसिनो। बांसिनै गेब्रेहोरा बिएस2 आरो बेनि सिगांनि गारिफोरखौ स्के प खालामनायखौ लानानै गोदान आपडेट होदों। भारत सरकारनि हान्था-मैला मावख'आ बिएस-

2 आरो बेनि सिगां बांसिन गेब्रेहोरा गारिफोरखौ बोखानायनि उनाव गोदान गारि बायनायनि सायाव टेक्सनि रेहायखौ 2 गुण खालामना 50 जौखोन्दोसिम खालामनायनि थांखि फोसावदों। अदेबानि आथिखालाव गोजाम प्राइभेट गारिफोरखौ कभार खालामनायनि उनाव गोदान गारि बायनायनि सायाव

व्हीकल टेक्सआव 25 जौखोन्दो रेहाय होनायजायो आरो कमासंयेल गारिफोरनि बिथिडवाव बे रेहायखौ 15 जौखोन्दो सिमल' होनाय जायो। थानाय 23 जानुवारिआव फोसावनाय मोनसे बिथांखियाव लामा हान्था-मैला आरो राजा-लामा मावख'आ बुंदोंदि, 50 जौखोन्दोसिमनि रेहायआ बै



गसिबो गारिफोराव गोहोम गोनां जागोन, जाय बिएस-1 मान दान्दाखौ गोहोम गोनां खालामनायनि सिगां बानायनाय। दानि बिथोनमानि बायदिब्ला बेफोर रेहायआ गेजेर एबा गिदिर प्राइभेट आरो ट्रांसपर्ट व्हीकल्सनि सिंआव फेनाय बिएस-2 गारिफोरनि सायाव गोहोम गोनां जागोन। हान्था-मैला मावख'आ रेजिस्टर

व्हीकल स्के पिं फेलिसिटि (आरभिएएसएफ) आरो अटमेटेज टेरिस्टां स्टेशन (एटिएएस) नि नेटवार्कनि गेजेरजों हादतनाडै बाहायजाथावै गेब्रेहोरा गारिफोरखौ खोलोब बायदिदियै बोखारनो मोनसे इक'सिस्टेम बानायनायनि थाखाय भिभिएमपि एबा व्हीकल स्केपिं पलिचि जागायदों।

(1 बिलाइनिफ्राय)

उदालगुरियावबो 76थि सुबुं खान्थि सानखौं गाजा-गोमजायै फालिदों

लानानै फालिनाय जायो। हाबाफारि बायदियै फुंबलि समआव जिल्ला बेंगिरि मावख 'नि लांगोना साखाथियाव थानाय हादरनि माहारियारि बिफा महात्मा गान्धीनि मुसुखायाव बिबार बावजेनो बि टि आरनि लेखइ गहाइ मावफुं सोद्रोमा गबिन्द चन्द्र बसुमतारिआ। बे हाबाफारियावनो बाहागो लाफायो जिल्ला बेंगिरि पुलक पाटगिरिआ। मख 'नो गोनादि, बे हाबाफारिजों लोब्बा लाखिनानै हादरनि माहारियारि फिरफिलाखौं बिरहोयो गबिन्द बसुमतारिआ। लोगो लोगोने हादरारि संमेथाइखौं जथायै हाबाफारियाव बाहागो लानाय साफ्रोमबो भारतआरि सुबुंफोरनि खुगायाव रोजाबनाय नुनो मोन्नाय जादों। 86 बोसोरनि सिगाडव 1950 माइथायनि 26 जानुवारिआव भारत हादरआ गावनि निजा जुनिया हिसाबै मोनसे संबिजिद दानानै लानायनि गेजेरजों भारत हादरखौं सामलायबोबाय थादों। जाय बिथिखौं लानानै बोसोरफ्रोमबो 26 जानुवारिखौं हादरनाडै सुबुंखान्थि सान महरै फालिबोनाय जादों। बे संबिजिदिन बायदियैनो भारत हादरआव थानाय गासैबो बायदि राव धोहोराम हारिनि सुबुंफोरा खौंसेथिनि गेजेरजों थानानै थाबोबाय थादों। बे संबिजिरनि सायावनो सोनारनानै हादरनि गहाइ मन्थि नरेन्द्र मदि, नख 'र मन्थि अमित साह, राइज्योनि गिबि मन्थि ॐ हिमन्त बिश्व शर्मा मोनबायदि गेदेमा बिथामोनहा हादर आरो राइज्योखौं हिंसा गैथि मोनसे गोगो राहाजों खुंबोगासिनो दं होन्ना बुनायनि गेजेरजों साबायख 'रबो बावहरदों गहाइ आलासि बिथामो बसुमतारिआ। बेराफारसे बि टि आर हालामावबो बि टि सिनि गहाइ खुंगिरि प्रमद बर 'नि दैदेनायाव गोजोन खौंसेथिनि आबु मोनसे बारहावाया दिनैनि सानाव बारगासिनो दं, हालामावआव आइ एस, आइ पि एस, डक्टर, इन्जिनियार, बायदि फसंथान लुफुंनाय आरो गोबां सुबुं सम्पद सोर्जिनाय थांखिजों बायदि रोखोमनि मावथांखि लानायनि थाखाय आरो बि टि आरखौं जौगाथायनि फासैं लानायनि थाखाय दिनैनि सानआव जों प्रमद बर 'खौं साबायखर बावहरनो नांगोन होन्नाबैबो गावनि बिबुंथिआव फोरमायो लेखइ गहाइ मावफुं सोद्रोमा गबिन्द चन्द्र बसुमतारिआ। मोनसे समनि आसामनि बारग' मन्थि रिहन दैमारि, एम चि एल ए प्रेस मोसाहारि, बि टि आरनि मावफुं सोद्रोमा ॐ निलुत स्वर्गियारी, समाज सिबियारि मिनन मोसाहारि, उदालगुरि जिल्ला पुलिस बिफाननि गहाइ एबा एस पि पुसकिन जैन, जिल्ला बेंगिरि पुलक पाटगिरि, उदालगुरि नोगोर सामलाय आफादिनि मासिगिरि राखेस बर', उदालगुरि जिल्ला गेलेमु बिफाननि गहाइ सन्जय दैमारि, बिथामोमोजों लोगोसे बायदि गोबां आफादफोरनि बिबानगिरि, दैदेनगिरि आरो मेलेमजिबि राइजो-राजाफोराबो हाबाफारियाव बाहागो लानानै 76थि सुबुं खान्थि साननि रंजाथाइ हाबाफारियाव बाहागो लाफैनायखौं नुनो मोनो। लोगोसे आसाम पुलिस बिफाननि बायदि पेरेड दिन्थिफुंनाय, जिल्लानि सिडव थानाय गंफ्रोमबो फरायसालिफोरनि फरायसाफोरनि मार्स पास्ट खालामनाय बायदि हारिमुवारि दिन्थिफुंनाय, बायदि बिफानारिफोरनि हाबाफारिनि सायाव दिन्थिफुंननायखौं नुनो मोन्दों।

बि.टि.आर, बिकेडाब्लिउएचि, कार्बिआंलं आरो आसामआव राइजो जानाय बर 'फोरनि गासैबो जेनाफोरखौं आबुडै-सुत्रानांगोन थिखाय बर 'फोरा खौंसे जाथारनांगोन: दिपेन बर'

मोनगिरि गबिन्द बसुमतारिआ। गोजोन आरो खौंसेथिनि थाखाय फारौ आरो बेलुन बिरहोयो फारिये बि.टि.चि.एलएनि बुंथिगिरि खाथिराम बर', साहित्य अकाडेमि बान्था मोनगिरि हरिनारायण खाख्तारी, अल आसाम ट्राइबेल संघनि बोसोनगिरि जगेन नार्जारी, चि.एस.बिनि सोद्रोमा बिबेकानन्द नार्जारी आरो चि.एस.बिनि सोद्रोमा जिरेन बसुमतारिआ। गोजोन, गोरबलायनाय आरो मावफुंनायनि थाखाय हान्जा सुरनायखौं बेखेवनानै होयो कक्राझार लक सभानि एम.पि. जयन्त बसुमतारिआ। एबसुनि आफादगिरि दिपेन बर 'आ मासि लानानै दैदेनाय "बड'फा उपेन्द्रनाथ ब्रह्म आरो गेरेमसा बर' माहारि दानायनि सिमां" आयदानि गेवलां मेल खुंनाय जायो। गावनि बराय बिबुंथियाव एबसुनि आफादगिरि दिपेन बर 'आ बि टि आर गोरबथानि गासै दफाफोरखौं मावफुंनो थाखाय दुलाराय बर' फरायसा आफादआ थादनाय गैथै खामानि मावबाय थानायनि सायाव गुवारि बिबुंथि लाखिनानै बि.टि.आर, बिकेडाब्लिउएचि, कार्बिआंलं आरो आसामाव राइजो जानाय बर 'फोरनि गासैबो जेनाफोरखौं आबुडै-सुत्रानांगोन थिखाय बर 'फोरा खौंसे जाथारनांगोन होन्नाबै फोरमायो। गेवलां मेलखौं मेहेरगोनां बिबुंथिनि गेजेरजों बेखेवनानै होदोंमोन बर' थुनलाइ आफादिनि आफादगिरि प्रफेस्वर सुरथ नार्जारीआ। गेवलां मेलआव गहाइ आलासि महरै बाहागो लायो बि.टि.आर.निनो गहाइ मावफुं सोद्रोमा प्रमद बर 'आ। जर 'खा आलासि महरै बाहागो लायो फारियै आसामनि केबिनेट मन्थि मानगोनां उखाव गोर ब्रह्म, रज्य सभानि एम.पि मानगोनां रोन्गोरा नार्जारी आरो बि.टि.आरनि लोगो गहाइ मावफुं सोद्रोमा मानगोनां गबिन्द बसुमतारिआ। गेवलां मेलआव माननि आलासि महरै बाहागो लायो बर' थुनलाइ आफादिनि गहाइ नेहाथारि निलकान्त गयारी, एक्स बि.एल.टि. वेलफेयार क'-अर्डनेटिभ ससाइथिनि आफादगिरि मन' कुमार ब्रह्मजों लोगोसे गोबां एम.एल.ए. इ.एम. एम.पि.एल.ए. बर' बिमा गौथुम, दुलाराय बर' आइजो अन्साइ आफाद, बि.टि.आर प्रिन्चिपाल काउन्चिल, अल आसाम बर' गुदि फोरिंगिरि गौथुम, दुलाराय बर' हारिमु आफाद आरो बिबानि दैदेनगिरिफोरजों लोगोसे बड'लेण्ड आरो आसामनि मेलेमजिबि, राइजो-राजाफोर आरो फरायसाफोरनि बाहागो लानायजों गोरबथानि सान फालिनाया मोजाडैनो जाफुंसार जालाडो।

साननैनि गेदेत हाबाफारिजों बिटिआर गोरबथानि सान खुदों

आरो गोरबलायनायनि खौंयं फोसावनानै मटरसाइकेल रेलि खुंनाय जायो। कक्राझारनि चन्द्रपाराआव थानाय बिटिसिनि गहाइ मावफुं सोद्रोमा प्रमद बर 'नि न'निफ्रायबो गोजोननि मटरसाइकेल रेलिखौं खुंनाय जायो आरो बे रेलियाव गहाइ मावफुं सोद्रोमा प्रमद बर'आबो बाहागो लादों। बेनि उनाव कक्राझार ग्रीन फिल्डआव थुबुर जाफैनाबै बे जायगानिफ्रायनो फिन गोजोननि मटरसाइकेल रेलि (हान्जा सुरनाय) खौं लानाय जायो आरो बे रेलिखौं कक्राझारनि जिल्ला बेंगिरि माशान्दा एम पार्टिनआ फिरफिला दैखानानै बेखेवना होदों। मटरसाइकेल लामा हान्जा सुरनायाव बाहागो लानानै खौंयं बिजोनि सिगाडव बिटिसिनि गहाइ मावफुं सोद्रोमा प्रमद बर'आ बुंदेंदि, बिटिआर रदायनि गेजेरजों गोजोन थासारि सोमजिदों। बेयो बयनिखुडबो गेदेत जाफुंसारनाय। बिथाड बिटिआर रदायनि माखासे दफाफोरखौं मावफुंजानो गोनां दड होन्नाबै मोनसेनि उनाव मोनसे मावफुंजानो होन्ना मिबथिहोयो। रदायनि मुंसायगिरि रज्जन दैमारीआ जोबथेसालियाव जोबजानानै थानाय आयदानि सायाव फिनजाथाय होनानै बिथाड बुंदेंदि, रज्जन दैमारीआ दायनिगिरि जानायनि थाखायसो जोबथेसालिनिफ्राय उदां जानायाव गोबाव जादों। जोबथेसालिनिफ्राय उदां जानांगौ बे आयदाखौं लानानै गिबि मन्थिजों सावरायलायनाय जागोन। बिथाड बिटिसियाव थानाय गासैबो हारि-हारिसानि समान जौगाथाय, जायखि जाया जेना सुफुंनो आथिखालाव 'भिचन डकुमेन्ट' थियारि खालामनाय जादों होन्ना बुडो। बेयो बिटिआर सरकारनि गोदान बिथांखि होन्ना मिबथिहोयो। गुबुन फारसे बिटिआर रदाय खुंनायखौं लोब्बा लानानै कक्राझारनि चन्द्रपाराआव थानाय बड'फा उपेन्द्र नाथ ब्रह्म हारिमुआरि मिरुआव मोनसे मेल खुंनाय जायो। बे मेलाव बिटिसि गौथुमारि सरकारआ बड'लेण्डनि जौगाथायनि बिथिडव गुबुन गुबुन रोखोमनि सिबिथाय होबोनाय सा 84 गुबुन गुबुन बिफाननि बिबानगिरि-मावसुमाफोर आरो सा 46 सरकारि नडै खोन्दीनि गेजेरजों सिबिथाय होनायफोरनो बड'लेण्ड एसिभास बान्था गथायनाय जायो। बेनि अनगायैबो खौंयं बिजोनि मोनसे सौंथिनि फिननायाव फैगौ समाव राइजो-राजाफोरा इडपिपिएल आरो बिजेपि जुथाय दोलोनि सरकारनो फिन भट होगोन आरो बिजेपि आरो इडपिपिएलआ सरकार दाफिनगोन होन्ना दाबि खालामो। मख 'नो गोनादि, बिटिआर रदाय साननि नैथि सानखालि एबा गाबोन बड'लेण्डनि कक्राझारआव गिबि मन्थि ॐ हिमन्त बिश्व शर्माआ दावबायफैगोन आरो बिथाड गुबुन गुबुन हाबाफारियाव बाहागो लागोन। मख 'नो गोनादि, कक्राझारनि हरिनागुरियाव गोदानै लुजानाय बिटिआरनि मावफुं सोद्रोमा आरो एमसिएलफोरनि थाग्रा न'खौं गोथारै बेखेवना होनायजों लोगोसे कक्राझार मुलुगसोलोंसालिनि अन्थाइ खाम्फा गायसनगोन। बेनि उनाव गिबि मन्थि ॐ हिमन्त बिश्व शर्माआ कक्राझारनि ग्रीन फिल्डआव खुंजानो गोनां गेदेत सुबुं गौमायाव बाहागो लागोन।

भबानिपुरआव खुंथाया 2 कौटि 98 लाख रानि निषा जाथोनि मुवा-बेसादफोरखौं सावदों



भबानिपुर, 27 जानुवारि: भबानिपुरनि बांलिपाराआव पहुमारा दैसा सेराव दिनै बजालि जिल्ला खुंथाया गोबां बिबांनि निषा जाथोनि मुवा-बेसाद सावदों। मख 'नो गोनादि, 2023 आरो 2024 माइथायाव बजालि जिल्लायाव खुंथाया बोखानाय निषा जाथोनि मुवा-बेसादफोरखौं बिजिरसालिनि गनायथि बायदियै खुंथाया सावयो। खुंथाया अर सावनाय निषा जाथोनि मुवा-बेसादफोरनि गेजेराव 58 किल 'ग्राम गान्जा, 118 ग्राम हेरइन, 825 ग्राम ब्राउन सुगार, मोन 9990 होबथाजानाय कप सिराप आरो गर 2162 निषा जाथोनि टेब्लेटफोरा दं। अर सावनाय निषा जाथोनि मुवा-बेसादफोरनि बेसेनखौं गासैं 2,98,23,500.00 रां जागोन होन्ना पुलिसनि सुलुडा फोरमायदों। मख 'नो गोनादि, थानाय 2023-24 माइथायाव बजालि जिल्लायाव पुलिसआ निषा जाथोनि मुवा-बेसादखौं बोखानायजों लोगोसे फालांगि खालामनायनि सोमोन्दै मोन 12 केसआ रेजिस्टार जादों होन्नाबै पुलिसआ फोरमायना होदों।

(1 बिलाइनिफ्राय)

पेन्सनार खौरांगिरिखौं मान बाउदों

आफादिनि आफादगिरि ताजुद्दिन आहमेद आरो गुबुन सासे आजिर लानाय खौरांगिरि बज्र लाल खेमकामोननो गांफा-गांफा गामसा आरो मानलाइजों मान बाउवो। बे मान बाउनाय हाबाफारियाव नलबारि जिल्लानि जिल्ला बेंगिरि बर्नालि डेका, नलबारि जिल्लानि एस्पि सुप्रिया दासमोजों लोगोसे जिल्ला बेंगिरि मावखुलिनि माखासे मावसुमाफोराबो बाहागो लाफैदोंमोन।

एम.सि.एल.ए मन्तु बर 'आ गामि-गामि बर 'नि दोरोडारि दामजु खाम रान्नाबै होदों

सरकारजों गनायथि होजानाय आरो बर 'फोरनि गहाइ दोहोराम बाथौनि गोथार सान एबा बाथौ सान महरै गासै बर 'फोरानो फालिनायखौं नुनो मोन्नाय जायो। बेबायदिनो फैबाय थानाय बोहैथि दाननि नैथि मंगलवार थामहिनबा गाबोन दुलाराय भारत नाडैनो बर' सुबुंफोरा गोथार बाथौ सान फालिगोन। बेखौंनो बिथा खालामनानै दिनै 22 नं ककलाबारि बियाबनि एम.सि.एल.ए. मन्तु बर 'आ गावनि बियाबनिनो सिडव थानाय गंथाम गामिफोर फारियै- जामगुरि माइनाव आफाद, दैसागुरि दैमालु आफाद आरो ककलाबारि मावफुं आफादिनिसिम गोनांथि जानायबादियै हारिमुवारि, दोरोडारि दामजु खाम रान्नाबै होयो। एम.सि.एल.ए मन्तु बर 'आ खौरांगिरिनि सिगाडव फोरमायनाय बायदिब्ला बिथानाव थानाय समाव गोजौआव मख 'नाय गामिफोरा एबा आर'ज हान्जाफोरा गावसोरनो गोनांथि जानाय खामखौं बिदोंमोन। बेखौंनो फैबाय थानाय गोथार बाथौ सानआव नांथारगौ जानो हागौ सानानै गामि-गामि थानानै रान्नाबै होदों होन्ना मिबथिहोयो आरो बिथानि खाम अनसुंथाइ होनायखौं मोनगिरि राइजोफोरा गोजोननाय फोरमायो।

मुंदांखा सत्रिया मोसागिरि जतिन गस्वामीखौं गिबि मन्थि ॐ हिमन्त बिश्व शर्माआ हामलायथि बाउदों

बिथिडव गिबि मन्थिनो माखासे बोसोन होयो। सत्रिया मोसानायखौं जाहाथे हादत आरो मुलुगआव बांसिनथारै फोसावदिनो हायो बे बिथिडव नांगौ बायदि गासै नाजानायखौं राइज्यो सरकारआ आजावना लागोन होन्नाबै गिबि मन्थिआ बिथानो बाथा होयो। गिबि मन्थिआ लोगोसे मुंदांखा आरिमुगिरिनि मोजां देहानि थाखायबो आर'ज गाबो।

सालबारियाव सुबुं-खान्थि सान खुदों

मार्सपास दिन्थियो। माहारियारि फिरफिला बिस्होनाय महकुमागिरि निलतपल पाठकआ सुबुंखान्थि सानखौं लानानै बिबुंथि लाखिदों। हाबाफारियाव भबानिपुर बिधान सभा बियाबनि एमएलए पनिधर तालुकदार, सालबारि बियाबनि एमसिएल जय मुसाहारि, टिसिएलसिसिनि मासिगिरि बिनद मुसाहारिमोनहा आलासि महरै बाहागो लाफैदों। माखासे जर 'खा सुबुंफोरखौं खुंथायनिफ्राय जर 'खा मान बाउदों। मख 'नो गोनादि, सालबारियाव खुंनाय सुबुंखान्थि सानाव भुयननि आरिमुगिरिफोरा भुटिया हारिमु दिन्थिनायजों लोगोसे असमीया, बर' हारिमुनि मोसानायखौं दिन्थिनाय जादों। जेराव भुयननि खुंथायारि बिबानगिरिफोरबो आलासि महरै बाहागो लाफैदों।

बिटिआर रदायनि 5थि बोसोर

सोद्रोमा सजल कुमार सिंहआ हाबाफारियाव बिबुंथि लाखिदों। बिथाड गिबि मन्थि ॐ हिमन्त बिश्व शर्मा आरो बिटिआरनि गहाइ मावफुं सोद्रोमा प्रमद बर 'नि दैदेनायावनो गोजोन थासारि दाफुंजादों होन्नाबैबो बुडो। गोजोननि बाइक रेलियाव बारग' एमएलए हेमन्त नाथ ब्रह्म, इडपिपिएल मिरु नेहाथारि मुसिंदा बेगममोनजों लोगोसेनो माखासे जिल्ला थाखोनि दैदेनगिरिफोरा बाहागो लाफैदों।

(1 बिलाइनिफ्राय)

डिबुगढ़आव जनाइ समान जिल्लानि जौगाखांआरि खामानिफोरनि सिगानायखौं गिबि मन्थि ॐ हिमन्त बिश्व शर्माआ मिबथिना लाफैदों

हुनि सोमोन्दै खामानिफोरखौं जोबोद गोखैयै मावफुंनो हायो। समान जिल्लानि गामि ओन्सोलनि गोखौं जौगाखांनायखौं रोखा खालामनो थाखाय आरो मोनसे गोदान जौगाखां खोन्दो दानायनि थाखाय नांजाबफा बिफानखौं बिथाड नांगौबायदि बोसोन होयो। दिनैनि बे जथुमावनो मिसन बसुन्धरा 3.0 नि सोमोन्दैबो सावरायलायनाय जायो। गिबि मन्थिआ धेमाजी जिल्लायाव मिसन बसुन्धरानि सिडव हानि पाट्टा गथायनायनि उनाव आद्रा थालानाय उफ्रा हानि लेन्डबैंक महरै सरकारि जौगाखांनाय खामानियाव बाहायनायनि सायाव गोनांथि होयो। बे बिथिडव जिल्ला बेंगिरिया जाहाथे थि थांखि लानो हायो बेखौं रोखा खालामनो थाखाय नांजाबफा बिफानखौं बिथाड बिथोन होयो। ब्रह्मपुत्रनि सेराव माथावरि खोनायनि उनाव गोदानै सिनायथि जानाय हायाव हाग्रा ओन्सोल खालामनायनि सायाव गिबि मन्थिआ गोनांथि होयो। बे बिथिडव गोनांथिनि राहा लानो थाखाय हाग्रा बिफानखौं बिथाड बोसोन होयो। बेनि अगायैबो समान जिल्लानि सुबुं लुफुंथाय बिफाननि सिडव सोलिबाय थानाय खामानिफोरखौं गिबि मन्थिआ मिबथिना लायो। बिथाड जेलेम दैसानि सायाव पाक्कानि दालां लुनाय, नेपालि बस्तिनफ्राय कलेज टिनिआलिसिम थानाय लामायाव दालां लुनायनि खामानिखौं गोखै खालामनो नांगौ बायदि बिथोन होयो। बेनि अनगायैबो मोब्लिबनि फोनांभ जायै गोथौ ओन्सोलफोराव मोब्लिब फोनांजाबनो थाखाय गोखैनो थांखि लानो गोहो बिफानखौं बिथोन होयो। गिबि मन्थिआ समान जिल्लानि सोलौंथायारि खामाफोरखौंनो नायबिजो। जेराव गोजौ गुदि फरायसालि दड, बेफोरो गोजौ गेजेरारि फरायसालिसिम फोजौखानाय एबा गोजौ गेजेरारि फरायसालिजों बाहागो खालामनो थाखायबो बोसोन होयो। बेनि जाहोनाव गेजेर समावनो फरायसालि नागरानाय फरायसाफोरनि अन्जिमाखौं बाडइ खालामनो हागोन होन्नाबैबो बिथाड बुडो। गिबि मन्थिआ लोगोसे सिमेन शापरि देहा मिरुखौं गंसे आबुं फाहामसालिसिम मावफुंनायनि थाखाय राहा लानायनि सायावबो गोनांथि होयो। दिनैनि बे जथुमावनो गिबि मन्थिआ आबादरिफोरनिफ्राय माइ आरो बेसर बायनायनि आयदाखौं सावरायलायो। दिनैनि बे जथुमाव सोलौंथाइ बिफाननि मन्थि डा. रजज पेगु, एमपि प्रधान बरुवा, एमएलए भुवन पेगुजों लोगोसेनो लेखइ गहाइ नेहाथारि एके टिबारी, जर 'खा पुलिस बिथोनगिरि गहाइ हर्मित सिं, गिबि मन्थिनि गहाइ नेहाथारि ॐ के के द्विबेदिमोनजों लोगोसे गोजौ थाखोनि बिबानगिरिफोरा बाहागो लाफैदों।

चिरांआव बिटिआर गोजोन गोरबथानि बाथि बोसोर फालिथाइ हाबाफारि खुदों

नाजानायाव एनडिएफबनि मोनब्रै हान्जाखौं ज' खालामनानै जारिमिनारि थाम खनायारि बिटिआर गोजोन गोरबथानाय आसाम सरकार आरो भारत सरकारजों सागान होनाय जादोंमोन। बिटिआरनि गोजोन गोरबथानि सानखौं दिनै चिरां जिल्लानि चिदली-काशिकत्रा गोजैसिन गेजेरारि फरायसालिनि गेवलां फोथाराव सानसेनि हाबाफारिजों फालिनाय जादों। हाबाफारिनि गिबियाव फिरफिला बिरहोयो एबसुनि आफादगिरि दिपेन बर 'आ। बड'फा उपेन्द्रनाथ ब्रह्मनि मुसुखायाव बिबार बाउजेनो सिएसबिनि मासिगिरि ॐ दिपक बसुमतारिआ आरो मुंखलफोरनो बिबार बाउजेनो साहित्य एकाडेमि बान्था मोनगिरि थुनलाइगिरि गबिन्द बसुमतारिआ। गोजोननि नेरसोन महरै गुफुर गाबनि फारौ दाव आरो बेलुनफोरखौं उदां अखांआव बिरहोयो एबसुनि आफादगिरि दिपेन बर', एमपि जयन्त बसुमतारि, एमपि रोन्गोरा नार्जारी, मन्थि उखाव गोर ब्रह्म, बिटिसिनि बुंथिगिरि कातिराम बर', बिटिसिनि लेखइ गहाइ मावफुं सोद्रोमा गबिन्द बसुमतारिआ। बेनि उनाव बिटिआर गोजोन गोरबथानि 5थि बोसोरारि फालिथायजों लोब्बा लाखिनानै केबिनेट मन्थि उखाव गोर ब्रह्म आरो गोबां दैदेनगिरिफोरनि नुजाथिनायाव जि किल 'ग्राम लिन्थायनि मोनसे जर 'खा केक हायो आरो एम.पि. जयन्त बसुमतारिआ हारिमुआरि हान्जा सुरनायखौं फ्लेग अफ खालामो। बिटिसिनि गहाइ खुंगिरि प्रमद बर 'नि नुजाथिनायाव एबसुनि आफादगिरि दिपेन बर 'नि मासि सामलायनायाव "बड'फा उपेन्द्रनाथ ब्रह्म आरो गेरेमसा बर' माहारि दानायनि सिमां" आयदानि गेवलां मेलखौं मेहेरगोनां बिबुंथिनि गेजेरजों बेखेवनानै होयो बर' थुनलाइ आफादिनि आफादगिरि सुरथ नार्जारीआ। बिटिआर गोजोन गोरबथानि बाथि बोसोरारि जथुम्यायाव दिनै गोरबथानाय सागान होग्रा बारग' एनडिएफबनि दैदेनगिरिफोरनि अनगायैबो गुबुन गुबुन बर' माहारियारि दोलो आफादफोरनि दैदेनगिरिफोरा नुजाथियो। दिनैनि जारिमिनारि बिटिआर गोजोन गोरबथानि सान फालिनायनि गुबै थांखिनि सोमोन्दै खौरां बिजोनि सिगाडव एबसुनि आफादगिरि दिपेन बर 'आ बुडेदि, बड'लेण्ड ओन्सोलआव थानाय गोलाव बोसोर सोलिबोनाय सोमावसारनायाव गोबां हाँवा-हिन्जाव, लाइमोनफोरा मुंखलं जादोंमोन। बै गोलाव सम हाथियार लाना सोमावसारनाया समाजआव मोनसे हिंसायारि आबहावा सोमजिहोदोंमोन आरो बड'लेण्ड ओन्सोलआव थानाय गुबुन गुबुन हारि माहारिनि गेजेरावबो गोहोम खोखैदोंमोन। नाथाय जारिमिनारि बिटिआर गोजोन गोरबथानि उनाव बिटिआर ओन्सोलआव अरायथा गोजोननि आबहावा लाबोफिनो हादों। बिटिआर गोजोन गोरबथानि मावफुंजायै दफाफोरखौं थाबैनो मावफुंनो थाखायबो सरकारखौं खावलायो बिथाड। गुबुन फारसेथिं बिटिसिनि गहाइ खुंगिरि प्रमद बर 'आ बुडेदि- गोबाव बोसोर सोमावसारनाया दिनै बर' हारिया मोनसे थाखोआव मोनफैबाय। जेराव बर 'नि माहारियारि आफादफोरा हारि दानायनि हाबा मावनो थियारि जादों। हारिनि माहारि आफादफोर, सानसुमै, दैदेनगिरि, लिन्गिरि, बिजिरसंगिरिफोरा हारिनि फारसे साननानै खौंसे जाना सिगांलानो हायोब्ला बड'फानि गेरेमसा हारि दानाया मोगथां महर मोनगोन। बिथाड बुंवावोदि - बर' हारिनि जायफोर सुथुरफोरा बर' हारिखौं सोबख 'बोदोंमोन, नासयबोदोंमोन बिसेरबो दा बुजिना मोनबायदि बर' हारिखौं थगयानानै, नासयनानै, गादबनानै दोननो हाया। बेनिखाइनो दायो जॉनि हारिनि राजखान्थि दैदेनगिरि आरो बर' हारिनि दैदेनगिरि, सानसुमैगिरिफोरा खौंसे जानाय सम। मख 'नो गोनादि, दिनै बिटिआर गोजोन गोरबथानि सान फालिथाय हाबाफारियाव बाहागो लायो बर' थुनलाइ आफादिनि गहाइ नेहाथारि निलकान्त गयारी, एक्स बि.एल.टि. वेलफेयार क'-अर्डनेटिभ ससाइथिनि आफादगिरि मन' कुमार ब्रह्मजों लोगोसे गोबां एम.एल.ए. इ.एम. एम.सि.एल.ए. बर' बिमा गौथुम, दुलाराय बर' आइजो अन्साइ आफाद, बि.टि.आरनि मावफुं सोद्रोमाफोर, अल आसाम बर' गुदि फोरिंगिरि गौथुम, दुलाराय बर' हारिमु आफाद आरो बिबानि दैदेनगिरिफोरजों लोगोसे बड'लेण्ड आरो आसामनि मेलेमजिबि, गोबां राइजो-राजाफोर आरो फरायसाफोरनि बाहागो लानायजों गोरबथानि सान फालिनाया जाफुंसार जायो।

जात्रा-सि एक्टि स्टुडिय, कक्राझारनि बान्जायनायाव 76थि सुबुंखान्थि सान फालिनायनि लोब्बायै थुनलाइआरि आरो हारिमुवारि बादायलायनाय खुदों

बायदि हाबाफारिजों मेहेरगोनाडै फालिदों। बिसमुरि इडकेसनल एन्ड वेलफेयार ससाइटिजों लोगो नानानै खुंनाय बे 76थि सुबुंखान्थि सान फालिनायनि लोब्बायै इयुन जोलै फरायसुला-फरायसुलिफोरनि गेजेराव हादत अन्साइनाय सोर्जिलु गियान आरो खौंसेथिखौं थुलुंगा खांहोनायनि थांखिजों मोनसे थुनलाइआरि आरो हारिमुवारि बादायलायनाय लानाय जादों। बे हाबाफारियावनो मिरु एबसुनि लोगो थुनलाइ नेहाथारि ॐ सिबिसन नार्जारी, बिसमुरि दख 'रा एबसुनि आफादगिरि आरो गहाइ नेहाथारिजों लोगोसे एनएसडियान फावगिरि, थुलुंगा बुंथिगिरि जयन्त नार्जारी, बिसमुरि भि.सि.डि.सिनि मासिगिरि आरो फादगिरिजों लोगोसे ओन्सोलनि माखासे दैदेनगिरिफोरबो बाहागो लादोंमोन। बे सुबुंखान्थि सान फालिनाय हाबाफारियावनो फरायसाफोरनि थुनलाइआरि रंगथिजों लोगोसे हादतनि बायदि बायदि हारिमुवारि बादायलायनायखौं नुनो मोन्नाय जादों। बे बादायलायनायखौं फरायसाफोरनि गेजेराव हादतआरि गोग्गानाय आरो खौंसेथिनि सायाव गावसोरनि सानसिफोरखौं फोरमायनो थुलुंगा होनो थाखाय खालामनाय जादोंमोन, जाय हाबाफारिया सुबुंखान्थि साननि बेसेनखौं दिन्थियो। बे हाबाफारियावनो फरायसाफोरनि अनगायै इउएन एकाडेमि बिसमुरिआव सोलौंथाइनि आबहावाखौं गोगो आरो गोखौं खालामनायनि थाखाय बे फरायसालिनि फोरिंगिरिफोर आरो फरायसालिनि मावफारियाफोरनि गोब्राव खामानि मावनाय आरो गावसोरखौं बाउसोमनायखौंनो मोन्दीथिहोनाय जादों। इउएन एकाडेमि बिसमुरिनि गोरयुंआबो बे हाबाफारियाव बाहागो लानानै हादतनि जौगानाय आरो खौंसेथिनि फासैं दावगानायाव सुबुंखान्थिनि गोनांथिनि सायाव बेसेन गोसा थुलुंगां बिबुंथि लाखियो। सुबुंखान्थि सान फालिनायनि लोब्बायै खुंनाय थुनलाइआरि आरो हारिमुवारि बादायलायनायआव बाहागो लानाय साफ्रोमबो फरायसुला-फरायसुलिफोरनो गांफा-गांफा मान बिलाइ होनाय जादों।

गाहाम देहानि राहा

किडनीआव अन्थाय जानायनि थाखाय पाटगाजा आरो तालमिसरीआ मुलाम्फा गोनां

एसेल 'बिबाइव दै लोंनाय, इउरिक् एसिडनि लेभेलआ बांनय, केलिसयाम मुलिफोरखौ बांद्राय बाहायनाय, सुगार एबा सडियामखौ बांद्राय बाहायनायनि जाउनाव किडनीआव अन्थाय जानो हागौ। नाथाय डाक्टरफोरनि राहाजौं फाहामथाय लानायनि अनगायैबो आयुर्वेदआवबो बे जेंनाखौ फाहामनो हागौ। सरसन्नायै किडनीआव जानाय बेबादि अन्थायखौ पाटगाजा बिलाइजौं फाहामनो हागौ। बेनि थाखाय पाटगाजा बिलाइजौं लोगोसे बेयाव तालमिसरी (सुगारकेन्डि)खौ गलायनानै लोडोब्ला किडनीआव सोमजिनाय बेरमनिफ्राय रेहाय मोनो हागौ।



नोंथाडा गोसो जायोब्ला दै गुदुजौंको बे बिलाइनि रोसिखौ होफानानै डाइट प्लानआव सोफानो हायो। बेनि थाखाय सानफ्रोमबो फुडाव उदै खालिआव पाटगाजा बिलाइखौ उनगिलनानै दैजौं गलायना लोंनागौ। बे बिलाइखौ डाइट प्लानआव नेमखांथि बादियै

लाफायोब्ला बेबादि जेंनानिफ्राय रेहाय मोनगोन। आयुर्वेदनि बादिब्ला, यगानि माखासे आसनफोरजौं किडनीआव सोमजिनाय अन्थायनिफ्राय रेहाय मोनो हायो। नाथाय डाइट प्लानआव पाटगाजानि बिलाइखौ लाफायोब्ला बांसिनै मुलाम्फा मोनो हागौ।

अक्षय कुमारनि 'स्काइ फर्स' सावथुना नायगिरिफोरनि गिबि मोजां मोन जानाय सावथुन जादौं

अक्षय कुमारनि लेटेस्ट सावथुन 'स्काइ फर्स' आ आथिखालाव सिनेमा हलफोरव नायगिरिफोरनि गिबि मोजां मोनजानाय जादौं। सुबुंखांथि साननि खाबुखौ नोजोर होनानै थियेटर्सआव रिलिज जानाय बे हादत अनफावगिरि सावथुनआ अनसाइगिरिफोरनि गोसोखौ देरहानो हादौं, जायनि जाहोनाव बक्स अफिसआव 'स्काइ फर्स' नि रं आरजिनाया सोलिगासिनो दं। नख'रि बक्स अफिसजौं लोगोसे गासै हादतआव रं आरजिनाय बिथिआव 'स्काइ फर्स', सावथुनआ रिलिज जानायनि सांन्थामआव मोजां रं आरजिनो हायो आरो गोबां रं कालेक्सन खालामनानै बे सावथुना बयखौबो गोहोमाव होदौं। रिलिजनि गिबि साननिफ्राय लानानै अपेनि



उइकेन्डिसिम स्काइ फर्सआ रं आरजिनाय बिथिआव मोजां पारफर्म खालामनो हादौं। शनिवार आरो रबिबारनि बन्द'नि समाव बे सावथुननि कालेक्सनखौ दावखोनाय नुनो मोन्दौं। जायनि जाहोनाव बेनि वाल्डवाइड इनकामखौबो बांनय नुनो मोन्दौं। बबेखानि रिलिजनि सांन्थामनि गेजेराव अक्षय कुमारनि स्काइ फर्सनि वाल्ड वाइड कालेक्सन रिपर्टनि

फारसे नोजोर होयोब्ला बे सावथुना खमैबो 80-85 कौटि रंनि बिजनेल खालामबाय। बलिउड हांगामानि रिपर्टनि

बायदिब्ला शनिबारसिमाव गासै मुलुगाव रं आरजिनाय बिथिआव बेनि अन्जिमाया 52.28 कौटि रंसिममोन। नाथाय सुबुंखांथि सान आरो रबिबार बन्द'नि समखौ मुलाम्फा लानानै 'स्काइ फर्स' सावथुना थामथि सानाव नख'रि बक्स अफिसनिजौं जुथाइनानै गासै मुलुगाव खमैबो 35 कौटि निखुइ बांसिन बिजनेस खालामदौं। मख'नो गोनांदि, अभा र सिजआवबो बे सावथुननि रं आरजिनाया 4 कौटि रंनि खाथिसिम सौहैबाय।

अपेनि उइकेन्डिनि उनाव उइक डेआव माबायदि बे सावथुना बक्स अफिसआव दिन्थिफुंगोन. बेखौ नायनाया मुजिथावना जागोन। हमनानै लानाय बायदिब्ला बे सप्ताहआव स्काइ फर्सआ मोजाडैनो गासै मुलुगाव 100 कौटि रंनि अन्जिमा बारनो हागौ। मानोना जे बायदियै सावथुननि रं आरजिनाया सोलिगासिनो दं, बेखौ बेबायदिनो जानो हागौ बायदि नुनो मोन्दौं। बेजौं लोगोसेनो स्काइ फर्सआ बे सोलिफु बोसोरनि बलिउडनि गिबि हिट सावथुनबो जागोन।

फावखुंगुर बबि देअलआ गावनि 55 थि जोनोम सान फालिदौं

27 जानुवारीआव हिन्दि सिनेमानि मुंदांखा फावगिरि बबि देअलआ गावनि 55 थि जोनोम सान फालिदौं। 1990 माइथायनि मुंदांखा फावखुंगुरनि मादाव सासे बबिनि जिउनि बे जर'खा सानआव सशेल मिडियाआव बिथानि गोबां अन्साइगिरिफोर जोनोम साननि हामब्लाइथि हरगासिनो दं। बबि देअलनि बिदा सुपारस्टार सानि देअलआ बिथान्खौ जोनोम साननि गाहाम हामलाइथि होनानै मोनसे नुफेर सावगारि शोयार खालामदौं। जेब्लायबो देअल नख'रखौ सशेल मिडियाआव गावजौं गाव अन्नाय फोरमायलायनाय नुनो मोनो। सानि देअल, बबि देअल आरो बिथानि बिफा धर्मन्दाओनो जाया मानो बयखौबो नुनो मोनो। बेनिखायनो जेब्ला नख'रनि सोरबा सासे मेम्बानि जोनोम सान जायोब्ला, बिसोर साफ्रोनिफ्राय मोनसे स्पेशेल पस्टआथ' फेखागोनानो। बबेखानि सानि देअलआ फंबाय



उन्दै बबि देअलनि जोनोम सानआव गावनि अफिसियेल इन्स्टाग्राम हेन्डेलआव लेटेस्ट पस्ट शोयार खालामदौं। बे इन्स्टाग्राम पस्टआव सानि आरो बबिनि समायना सावगारिखौ नुनो मोन्दौं। बे सावगारिजौं लोगोसेनो सानिया बबिखौ 55 थि जोनोम साननि गाहाम हामलाइथि होनानै लिरोदि, हेप्पि बार्थडे आनि फंबाय, आनि लर्ड बबि। अदेबानि सशेल मिडियाआव बबि देअलखौ अन्साइगिरिफोरा लर्ड बबि मुनि टेगजौं गाबत्रियो, जायखौ दा सानि देअलआबो गनायना लादौं। सानिनि बे पस्टखौ अन्साइगिरिफोरा जोबोद

अन्साइदौं आरो बिथामोनहा बे पस्टनि सायाव गोबां लाइक आरो कमेन्टबो खालामदौं। 2023 माइथायाव रणबि कपुर स्टारनि सावथुन 'एनिमेल' निफ्राय बबि देअलनि केरियारआ मोनसे रोखोमनि रिभाइभ जादौं। बेनि उनाव बिथान्खौ कंगुवा बायदि सावथुन फोरोवबो गावनि नेगेटिभ बिफाव होदौं। बावैसो सिगां हिन्दीआव रिलिज जानो गोनां नन्दमुरि बालाकृष्णनि 'डकु महाराज' सावथुनावबो बबिनि खलनायक अबतारखौ नुनो मोन्दौं, जायनि जाहोनाव बिथानि मुंआ खौरांआव थानायनि जाहोन जादौं।

इमारजेंसी सावथुना 10 थि सानाव मोजां रं आरजिदौं



कंगना सौतनि मस्ट अवेटेड सावथुना 'इमारजेंसीआ गोबां जेंनाफोरनि उनाव सिनेमा हलफोरव 17 जानुवारीखालि रिलिज जादौं। बलिउडनि रानिखौ गिदिर पर्दाआव आगुनि गाहाइ मन्थि इन्दिरा गान्धीनि फावआव नुजाथिदौं। सावथुनाव कंगनानि फावखौ बिथानि अन्साइगिरिफोर थारैनो अन्साइदौं, नाथाय बिथानि सावथुनाव तथ्यफोरखौ गात्रि रोखोमै दिन्थिफुंनयनिबो दाय फोनांदौंमोन। बक्स अफिसआव सावथुना रं आरजिनाय बिथिआव गावसिनि सान्याय बायदियै जाफुंसारनो हायाखै, नाथाय आथिखालाव कंगनानि सावथुनआ नायगिरिफोरखौ थियेटरआव बोनो हानाय बायदि मोन्दौं। 'इमारजेंसी' सावथुना 2.5 कौटि रंनि अपेनिजौं जागायदौं। गिबि सप्ताहआव सावथुना गासै 14.3 कौटि रंनि कालेक्सन खालामदौं, नाथाय नैथि सप्ताहआव आगान होनाय लोगो लोगोनो कंगना सौतनि सावथुननि दोहौंखौ खम जानाय नुनो मोनो। 8 थि सानाव सावथुना 40 लाख रं आरजिदौंमोन। बेनि उनाव 9 थि सानाव इसे बांनय नुनो मोनो आरो सावथुननि कालेक्सनआ 85 लाख रंसिम सौहैबाय, जेराव सावथुनआ थानाय सानफोरनिफ्राय लांन्थियै लाख लाख रंनि अन्जिमायाव रं आरजिगासिनो दंमोन, नाथाय आथिखालाव फिन खनसेबाव रं आरजिनायनि अन्जिमाया कौटि रंआव सौहैबाय। बक्स अफिसआव रं आरजिनायनि बिथिआव सुबुंखांथि सानआव 'इमारजेंसी' सावथुननि थाखाय मुलाम्फा गोनां जाना नुजाथियो। कंगनानि सावथुननि थाखाय थानाय माखासे सानफोरव कौटि रंनि अन्जिमासिम सौहैनांगौआ गोब्राब जादौंमोन, नाथाय बन्द'नि मुलाम्फा मोन्यायव सावथुनआ 10 थि सानाव मोजां कालेक्सन खालामनो हादौं। मोनसे सुलुंनि बायदिब्ला इमारजेंसी सावथुना 1.15 कौटि रं आरजिबाय। फारसेथि 10 थि सानाव सावथुननि गासै रं आरजिनाया 16.70 कौटि रं जाबाय। फावखुंगुरनि सावथुना नैथि रबिबारनि रं आरजिनो हानायनिफ्राय मोनसे गोदान मिजि सिखांदौं।

साना खानआ गावनि नैथि गथ'नि गिबि सावगारिखौ शोयार खालामदौं

आगुनि फावखुंगुरि साना खानआ आथिखालाव सावथुनफोरजौं जेबो सोमोन्दो गैयाब्लाबो नाथाय बिथान्खौ जेब्लायबो जायखि जाया जाहोननि थाखाय लाइमलाइटआव थाबाय थयो। रलेमार वर्ल्डनिफ्राय जानगार जानाय सानाआ सशेल मिडियाआव जोबोद एक्टिभ थयो आरो गावनि खुसिखौ अन्साइगिरिफोरजौं शोयार खालामनो माब्लाबाबो बावा। बावैसो सिगां बिथान्खौ नैथि खेब बिमा जादौं आरो बिथान्खौ गावनि अन्साइगिरिफोरजौं लोगोसे बेबी बयनि गिबि सावगारिखौ शोयार खालामदौं। साना खानआ बे सोलिफु बोसोरवनो नैथि खेब बिमा जादौं। फावखुंगुरिया 5 जानुवारी 2025 आव सासे फिसाज्जलाखौ जोनोम होयो, जायनि मुंआनो जादौं सैय्यद हसन जमिल। बिथान्खौ दा देहा फाहामसालिनिफ्राय न'आव फेबाय आरो बिथान्खौ फिसाज्जलाजौं लोगोसे न'आव मोजाडैनो बययदौं। बिथान्खौ गावनि अनसुला फिसाज्जलानि मुंखौ रिभिल खालामनायनि सानसे उनाव बिनि गिबि सावगारिखौ शोयार खालामदौं। साना खानआ 26 जानुवारीखालि गावनि नैथि फिसाज्जला हसन जमिलखौ बयजौंबो सिनायथि होयो। बिथान्खौ मोनै समायना



सावगारिखौ इन्स्टाग्राम एकाउन्टआव शोयार खालामदौं। मोनसे सावगारियाव साना खानखौ गावनि उन्दै गथ'खौ बामनानै अन्नाय होनाय नुनो मोन्दौं। गोसोम जिजौं फानफ्रबनाय आरो गुफुर गाबनि टुपि गानहोनाय हसननि मोखांखौ नुनो मोनाखै। गुबुन सावगारियाव साना खानआ गावनि उन्दै गथ'खौ फिसाज्जला गेदेर तारिक जमिलनो दिन्थिदौं आरो तारिकआ गावनि उन्दै फंबायखौ नुनानै एक्साइटेड जानाय नुनो मोन्दौं। बिथान्खौ गावनि बिफा अनस सैय्यदजौं बामजानाय नुनो मोन्दौं। बेनि गेजेराव बेकग्राउन्डखौ गुफुर गाबनि बेलुनफोरजौं साजायनाय जादौंमोन। अदेबानि सानाखौ स्काइ ब्लु गाबनि हिजाबआव नुनो मोन्दौं। बे सावगारिफोरखौ शोयार खालामनानै सानाया के प्सनआव लिरोदि, 'आलहमदुलिललाह! बिमा-बिफा जानाया भगवाननि मोन्याय बयनिखुइ देरसिन बीर। साना खाननि बे सावगारिफोरनि सायाव बावैसो बिमा जानाय युविका चौधुरीआ रिपेक्ट

खालामदौं आरो हार्ट इमज'जिनि गेजेरजौं गावनि अन्नायखौ फोरमायदौं। मुनब्वर फारुकिनि बिसि महजबनि फारुकिआबो 'माशाल्लाह' कमेन्टजौं लोगोसे ब्लु हार्ट इम'जि शोयार खालामदौं। माखासे अन्साइगिरिफोरबो उन्दै गथ' आरो साना खाननि सायाव गोबां अन्नाय लुफावहरदौं।

'ये जवानी है दीवानी' सावथुनआ रि-रिलिज जानायाव जारिमिन सोरजिनो हाबाय

आयान मुखर्जिनि डाइरेक्सनआव बानायजानाय 'ये जवानी है दीवानी' सावथुना आथिखालाव गोदान खथा आवग्रिनो हादौं। सावथुनखौ मेकारसआ गोदान बोसोरनि खाबुआव 3 जानुवारी 2025 आव थियेटरआव फिन रिलिजि खालामफिन्दौंमोन। सावथुनाव रणबि कपुर, दिपिका पादुकण, आदित्य राय कपुर आरो कल्कि कएल्लिनआ खामानि मावदौं। सावथुना रि-रिलिजनि उनाव सिनेमा हलफोरव 1.90 कौटि रंजौं लोगोसे अपेनि लादौंमोन। जायनि उनाव बे सावथुननि



मोजां अपेनिखौ नोजोर होनानै मेकारफोरा बेनि स्क्रिन्सखौ

फे देरदौंमोन आरो गिबि उइकेन्डिसिम फेवै फेवै बे सावथुना 6 कौटि रं बिजनेस खालामदौंमोन। गावनि गिबि सप्ताहनि जोबजासिमाव 'ये जवानी है दीवानी' सावथुना 13 कौटि रं आरजिबायमोन। बक्स अफिसआव बे मोजां रं आरजिनानै सावथुनआ 21 कौटि रंनि फालांगि खालामबाय। मोनसे रिपर्टनि बायदिब्ला, सावथुना ग्रेन्ड प्रम'शन गैयालासे बक्स अफिसआव गोबां अन्जिमानि रं आरजिनानै 2000 माइथायनि उनाव भारतआव थामथि बांसिन रं आरजिनो हानाय रि-रिलिज जानाय सावथुन जादौं। 2013 माइथायाव 'ये जवानी है दीवानी' सावथुनखौ सिनेमा हलफोरव रिलिज खालामनाय आरो अन्साइदौं।

गोदान मुगानि मोजां मोन्याय आरो केरियारनि स्ट्रगलखौ दिन्थिनाय जादौं। सावथुनाव नुनो मोनोदि, मुलुगाव बेरायनो मोजां मोनग्रा सासे लाइमोन सेंग्राया मेडिकेलनि थियारि खालामबाय थानाय सासे हिन्जावजौं माबोरै लोगो मोनो। सा 4 लोगोफोरनि मोनसे ट्रिपआव बिथामोनहा गोबां गोदान एक्सप्लर खालामो। सावथुननि सल'निफ्राय लानानै बे सावथुननि मेथाइफोराबो सुबुंफोरजौं गोबां अनसाइ जादौंमोन। बेनि अनगायैबो सावथुनआ रकस्टार लैला मजनु, शोले आरो टाइटैनिक बायदि सावथुनफोरखौ रि-रिलिज जानाय बिथिआव फेजेन्ने एबा उन फारसे खालामनो हादौं।

कल्डप्लेआ मुम्बाइनि उनाव गुजरातआव दोहौ सोमजि होदौं

आथिखालाव भारतआव कल्डप्लेनि जादुखौ नायनो मोनगासिनो दं। मुम्बाइनि उनाव कल्डप्लेआ गुजरातआव दोहौ सोमजिहोदौं। हिन्दि आरो माराठि बुनानै गोसो देरहानो हानाय क्रिस मार्टिनआ फिन खे बसेबाव भारतीय नायगिरिफोरनि गोसोखौ गोजोन होदौं। बावैसो सिगां बिथान्खौ अन्डे मातरम आरो मा तुझे सलाम मेथाइखौ रोजाबदौं, जायनि भिडिअया सशेल मिडियाआव भाइरल जागासिनो दं। बबेखानि ब्रिटिस रक बेन्ड कल्डप्लेआ भारतआव जोबथा कन्सर्टमोन आरो बेबो

सुबुंखांथि साननि खाबुआव। कल्डप्लेनि स्व'आ गुजरातनि नरेन्द्र मदि स्टेटडियमआव खुंफुनाय जादौंमोन। लिड वकलिस्ट क्रिस मार्टिनआ नायगिरिफोरखौ सुबुं-खांथि साननि गाहाम हामब्लाइथि होनानै बिथामोननि गोसोखौ देरहानो हादौं। गाहाम हामब्लाइथिल' नड, नाथाय क्रिसआ हादत अन्साइनाय मेथाइ 'भन्दे मातरम' खौ रोजाबनानै बयखौबो गोमोहाबहोदौं। 26 जानुवारीखालि मोनाबिलि समाव नेरन्ड मदि स्टेटडियमआव बै समाव इक्साइमेन्टजौं बयबो रंजानो हमदौं। सशेल




मिडियाआव बेनि भिडिअआ सोरंआव फेदौं, जायखौ डिज्जि प्लास हटस्टारआ शोयार

खालामदौं। क्लिपआव क्रिसखौ भन्दे मातरम खन्नाय नुनो हागौ। बे क्लिपखौ शोयार खालामनानै लिरोदि, 'जौं बेनि

थाखाय जॉनि गासै सुबुं माहारनि गोहोखौ बाहायदौं आरो जौं अजद दिखोआखै। सशेल मिडियाआव जेब्ला

आसामआ 38 थि नेसनेल गेम्सआव मेडेलनि मिजिंथिदों मोजाडै दिन्थिफुंदों

गुवाहाटी, 27 जानुवारि: आसामआ उत्तराखण्डआव खुं जानाय 38 थि नेसनेल गेम्सआव ट्राइथलान इभेन्टजों गावसोरनि केम्पेनखों जागायबाय। बे इभेन्टआव आसामनिफ्राय सा 6 सोद्रोमानि हान्जाया बाहागो लादों। हाल्लवानीआव खुं जानाय बे इभेन्टआव आसामआ गोबां मेडेलनि मिजिंथि लादों। जेराव जोबथा खेब 33 थि नेसनेल गेम्सआव आसामआ ट्राइथलानआव गंसेल' मेडेल देरहादोंमोन। सोलिफु नेसनेल गेम्सआ मावख'यारि महरे 28 जानुवारिनिफ्राय धेरादुनआव जागायगोन। जेराव आसामआ



रोंगथि गोनां गोजौ थाखोनि गेलेगिरिफोरजों लोगोसे सा 200 निबो बांसिन बादायारिफोरनि हान्जाखों बेनि थाखाय दैथायहरदों। मख'नाय जायोदि, अलिम्पिक मेडेलिस्ट लाभिलिना बरगहाइ, बक्सार शिब तापा, लनबलार नयनमनी शइकिया आरो आसार् जयन्त तालुक दारनि बाहागोआव आसामआ बे इभेन्टआव गोबां मेडेलनि मिजिंथि लादों। मानोना बिथांमोनबादि रोंगथि गोनां गेलेगिरिफोरनिफ्राय गंसेयैलाबो मेडेल फेगोनखों मिजिंथि लानो हायो।

इम्फल, 27 जानुवारि: मनिपुर गेलेगिरिफोर 38 थि नेसनेल गेम्सआव गिबिये सनानि मेडेल देरहादों। महारास्ट्रनि दलिदेवि दास पाटेलआ आइजोफोरनि बे इभेन्टआव जौसिन मासि मोन्नायनि सिगां सरुंबां अटवा मैतेइआ हौवाफोरनि सिंगेल ट्राइथलान बिमुंखों देरहादों। गुबुन सासे मनिपुरनि गेलेगिरि तेलहेबा सरानआ हौवाफोरनि बादायलायनायव रुफानि मेडेल देरहादों। जेराव बिथाडा 1-2 स्करिंआव गावनि बादायलायनायखों फोजोबदों। महारास्ट्रनि पार्थ सचिन मिराजआ ब्रन्ज मेडेल देरहानो हादों। ट्राइथलान इभेन्टजों लोगोसे

38 थि नेसनेल गेम्सआव मनिपुरआ हौवाफोरनि ट्राइथलानआव सनानि मेडेल देरहादों



सानसिनाय, साइके ल सेलेन्ज होज्जायनायखों नुनो मोन्दों। गाहाइ मन्थि नरेन्द्र मदिआ धेरादुनआव बे इभेन्टजों मावख'यारि महरे बे खे व जे न्नाय जों नो

गेलेगिरिफोरनि सेलेन्जआ जागायदों। अटवाआ गावनि गोखों गोहो आरो आदोबजों मोजाडै दिन्थिफुडो। जेराव बिथाडा गलापारनि मनाचान्द तारन्थलआव 1:01.01 मिनिट समाव गावनि थांखिसिम सौहेदों। रुफानि मेडेल देरहागिरि तेलहेबाआ गावनि गोखों नाजानायजों मनिपुरनि थाखाय पडियामआव सौहेनाय लामायव 1:02.10 मिनिट समजों दिन्थिनायखों फोजोबदों। बेसमाव पार्थ सचिनआबो मोजाडै दिन्थिफुडो आरो महारास्ट्रनि थाखाय गोखों सेलेन्जआव बिथाडा 1:01.14 मिनिट समजों ब्रन्ज मेडेल देहायो।

मनिपुरआ सा 400 नि बांसिन गेलेगिरिफोरजों रेकर्ड मेडेल देरहानायनि थांखिआव दावबायदों

इम्फल, 27 जानुवारि: मनिपुरनि गिबि मन्थि एन बिरेन सिं हआ थांनाय शानि बा र खालि नो उत्तराखण्डआव खुं जानो गोनां 38 थि नेसनेल गेम्सफोरव राइज्योनिफ्राय सा 400 एथलीटफोरनि मोन 19 गेलेमु इभेन्टफोरव बाहागो जागोनखों फोसावदों। बे समाव बिथाडा गेलेगिरिफोरनिफ्राय गाहाम हामलायथि हरनानै रेकर्ड मेडेल लाबोगोनखों मिजिंथिहरदों। गिबि मन्थिआ राइज्योआव सोमजिनाय जेनाफोरनि थाखाय गेलेगिरिफोरनि फोरों थाय नेमखांथिफोरव माखासे गोहोम गोग्लैनायखों गनायनानै लादों। अब्लाबो जेनानि गेजेरजोंसो सुबुनि थार लामा मोनहैगोनखों बिथाडा



मिजिंथिदों। बे समाव गिबि मन्थिआ गेलेमुनि अनगायै आरिमु आरो हारिमुआव राइज्योनि मुंदांखा जानो हानायखों फोरमायनानै राइज्योनिफ्राय सा 19 अलिम्पियनिफोर

ओंखारनायखों गोगगाथाव फोरमायो। फ्राय सा 400 सो गेलेगिरिफोरनि थावनिफिसिम सौहेनायव अनसायगिरिफोरबो गोबां मेडेलनि मिजिंथि लादों। बे समाव गिबि मन्थिआ राइज्योनि भेलइमनि सोलिफु समाव 70 कौटि रानि फोसावनायजों राइज्योआव आरोबाव गेलेमुनि फोथारआव जौगानाय फेगोनखों फोरमायो। लोगोसे इयुनि समाव गेलेमुनि फोथारआव गोबां रां थिसनबावगोननि खोथा होयो।

अरुनाचल प्रदेशनि पेरा-एथलीट टेचि सनुआ भारतनि जानानै इन्टारनेसनेल पेरा एथलेटिक्स सेम्पियनसिपआव बाहागो लागोन

इटानगर, 27 जानुवारि: अरुनाचल प्रदेशनि गोखों पेरा एथलीट टेचि सनुआ पेरालिम्पिक कमिटि अफ इन्डियाजों शेरजाह 2025 इन्टारनेसनेल पेरा एथलेटिक्स सेम्पियनसिपआव भारतनि जानानै दिन्थिफुंहेनो थाखाय सायख'जादों। बेंगुरा सुबुफोरनि थाखाय अलि्टका क्लाबजों खुं जानाय बे सेम्पियनसिपआ फेगौ 2 फेब्रुवारिनिफ्राय 4 फेब्रुवारिसिम जुथाय अमिरेटसआव खुं जागोन। बिथाडा राइज्यो, ओन्सोलारि आरो हायुडारि थाखोफोरव गावनि साबसिन मोनफुंनायनि गेजेरजों अरुनाचल प्रदेशनि मुंखों गोजौआव लाबोदों। इटानगरआव स्टेट लेभेल आर्म



रेसलिं सेम्पियनसिप 2026 आरो रईआव मिस्टार अरुनाचल बडी बिल्डिं सेम्पियनसिप 2019 आव बिथाडा सनानि मेडेल देरहादों। मख'नाय जायोदि, आसामनि गुवाहाटीआव 2020 नि नर्थ इन्डिया पावार लिपिं

केटेगिआव ब्रन्ज मेडेल देरहानो हादोंमोन। बेनि अनगायैबो कर्नाटकनि बेंगलुरुआव खुं जानाय नेसनेल पेरा एथलेटिक्स सेम्पियनसिप 2021 आव एफ 44 केटेगिनि सिडाव शटपुटआव बिथाडा रुफानि मेडेल देरहानो हादोंमोन। टेचि सनुआ कर्नाटकनि बेंगलुरुआव खुं जानाय 2021 नि नेसनेल पेरा पावार लिपिं सेम्पियनसिपआव सिनियर हौवाफोरनि 74 कि:ग्रा: लिरथायारि थाखोआव रुफानि मेडेल देरहादों। बेबादिनो गावनि केरियारआव गोबां मोनफुंनायनि गेजेरजों बिथाडा हारिमायारि थाखोआव सौहेनो हादों।

स्मृति मन्दनाआ आइसिसि वन्डे प्लेयार अफ दा इयारनि थाखाय सायख' जादों



फोसावबाय। जेराव बेनि थाखाय स्मृति मन्दनानि मुड फारिआव गाखोदों। 2024 आव आगिस आखाइनि गोखों बेटसमेन मन्दनाआ वन्डे क्रिकेटआव गोखोडै दिन्थिफुंदों। जेराव बिथाडा थांनाय जुन दानआव खोला आफ्रिकानि हेँथायै 3-0 स्करिं फारागथिजों सिरिज देरहानायव डावल सेन्सुरि लादोंमोन। बेनि अनगायै अक्टबर दानआवबो बिथाडा खेबसे सेन्सुरिखों निउजिलेन्डनि हेँथायै लानो हादों। 2024 आव बिथाडा खेब 13 मेचफोरव 747 रान लादों। बेजोंनो बै बोसोराव वन्डे क्रिकेटआव मन्दनाआ बयनिखुडु बांसिन रान लानाय गेलेगिरि जादों। बिथाडा आइसिसि अमेन सेम्पियनसिपआवबो मोजाडै दिन्थिफुंनानै खेब 24 मेचफोरव 1358 रान लादों। मन्दनाआ बोसोरनि जोबथा दानआव अस्ट्रेलियानि हेँथायै पर्थआव 105 रान लादों। मख'नाय जायोदि, बे समाव बिथाडा गावनि इनिंसाव खेब जिब्रे 4 आरो खेबसे 6 रान लादोंमोन।

गोदान दिल्ली, 27 जानुवारि: आइसिसिनिफ्राय 2024 आव गेलेगिरिफोरनि दिन्थिफुंनायखों नोजोर लाखिनानै बान्था होनाय जायो। आइजोफोरनि आइसिसि प्लेयार अफ दा इयारनि मुंखोंबो

नेसनेल एन्टि डीपिं एजेन्सिआ सा 30 गेलेगिरिफोरखों सारपेन्ड खालामदों

गोदान दिल्ली, 27 जानुवारि: डप आन्जादआव फेलें जानायनि थाखाय नेसनेल एन्टि डीपिं एजेन्सि(नाडा) आ सा 30 भारतयारि एथलीटफोरखों अरायथा नडै महरे बेन फोसावबाय। कमनवेलथ सेम्पियनसिपनि गल्ड मेडेलिस्ट वेटलिप्टार पपी हाजरिका, आन्डर-20 हेमार थ्रानि नेसनेल सेम्पियन असिका सिंह आरो सिनियर नेसनेल अपेन 1500 मिटारनि ब्रन्ज मेडेलिस्ट सुनिताजों लोगोसे गासै सा 30 गेलेगिरिफोर डप आन्जादआव फेलें जानायनि थाखाय नाडानिफ्राय बेबादि थिरांथा लाजादों। नाडाआ फोसावनाय



National Anti Doping Agency

बे फारिलाइआव गाहायै एथलेटिक्स, वेटलिपिं, रेसलिं आरो पावार लिपिंनिफ्राय गेलेगिरिफोरनि मुंखों फोसावदों। हाजरिकाआ नयडाआव 2023 आव जालानाय कमनवेलथ सेम्पियनसिपआव सनानि मेडेल देरहानाय। गुबुन फासैं

असिकाआ 2024 नि नेसनेल इउ-20 सेम्पियनसिपआव हेमार थ्रआव बिमुं देरहादों। ट्रेक आरो फिल्ड एथलीटफोरनि फारिलाइआवबो नेसनेल आन्डर 20 नि मेडेल देरहागिरि स्त्रीन्टर अनुषा बिस्वासनि मुडबो दड। बिथाडा 2024 नि 39 थि

यानिक सिनारआ लान्थियै नैथि खेब जाफुंसारनो हादों

मेलबर्न, 27 जानुवारि: इटालीनि 23 बोसोर बैसोनि लाइमोन गेलेगिरि यानिक सिनारआ लान्थियै नैथि खेब अस्ट्रेलियान अपेननि बिमुं देरहाबाय। बिथाडा मेलबर्ननि रड लेभार परेनाआव हौवाफोरनि सिंगेल्स फाइनालाव जार्माननि आलेक्जेन्डर ज्वेरेभखों खेबथाम सेटआव फेजेदों। गुबुन फासैं आइजोफोरनि जावजाआव टप रेंकिंनि टेलर टाउनसेन आरो केथरीन सिनियाकभानि जराआ देरहानो हादों। मख'नाय जायोदि, 2019 नि उनाव गिबि खेब फाइनालनि बादायनायव मुलुगनां थाखोनि नम्बर 1 आरो नम्बर 2 गेलेगिरिनि गेजेराव सेलेन्ज जादों। जेराव 2024 निफ्राय सिनारआ खेब 5 नि गेजेराव खेब 3 ग्रेन्डस्लेम देरहादों। थांनाय बोसोराव बिथाडा अस्ट्रेलियान अपेन



आरो इडएस अपेनआव देरहादों। जेराव सोलिफु सिजनखों बिथाडा अस्ट्रेलियान अपेननि देरहानायजों जागायदों।



आसाम सरकार

बाथौ फुजा

बर' समाजनि धोरोमारि फोर्बो बाथौ फुजानि गोथार सानाव गासैनिबो गाहामनि थाखाय आर'ज गाबनायजों आफा बोराइ बाथौनि आथिडव खुलुमनानै बाउबाय

ड॰ हिमन्त बिश्व शर्मा
गिबि मन्थि, आसाम

28 जानुवारि, 2025

फोरमाइथाय आरो सुबुं फोनांजाव विधोनगिरि मावख', आसामजों फोसाव जानाय Connect with us @diprassam dipr.assam.gov.in

आसाम बार्ता साबकाइव खालामनो थाखाय 7636834943 आव Assam लिरनानै इवाटएस एप खालाम